

a2^r

Dem Hochwürdigsten in Gott
Vatter vnd Herrn/ Herrn Herman Ertzbischoffen
zû Cölln/ des heyligen Römischen Reychs in Welfchen Landen oder
durch Italam Ertzkantzler vnd Churfürften/ Hertzogen
in Westphalen vnd Engern/ vnd Adminiftra-
tor zû Baderborn/ meinem Gne-
digsten Herren.

Gnad bnd fryd von Gott dem Vacter vnd dem
Herren Jefu Chrifto/ sampt vollkommener Benedeyung des
Euangelij/ mit beharrlichkeyt biß ans end durch
den Hertzogen des glaubens/ vnd
den vollender Jefum.

ES ift zwar als ein greuwliche vnd
verderbliche fchmach vnnnd verachtung vnfers Gottes
vnnnd Heylands/ vnfers einigen Oberften Königs/
Priefter vnd Ertzhirtens/ Bischoffs vnd Meyfters Je-
fu Chrifti/ das sie kein menfch gnüg groß vnd abfcheü-
lich machen kan. So man von war Chriftlicher Refor-
mation vnd befferung der Religion vnd kirchen/ reden
vnd handeln foll/ nach einiger andern kirchen Traditi-
on/ leer vnd ordnung fragen/ eh man das alles/ auff das
aller fleiffigft erfüchet/ angefehen/ erwegen/ angenom-
men/ vnd ins werck gerichtet hat/ das vns der felbig vn-
fer Oberfter Priefter vnd Leerer durch fich felbs vnnnd
feine lieben Apoftel inn den vier heyligen Euangelien
Gefchichten vnd Epiftlen der Apoftel fo klar vnd vberreichlich verordnet/ befolhen vnd auch
wol zû verfton hat gegeben. Dann wir ja alle bekennen/ das dife Bücher Canonici find/
vnd das in benen vns nichts ift fürgeben/ dann das lautel wort/ ware vnnnd reyne ler Gottes/
vnd vnfers einigen Heylands Jefu Chrifti.

Welcher Chrift kondte dan auch gedencken das fo vns der heylige Geyft hat dife gnad wöl-
len thun/ die leer/ vnd die ware vnd einige Religion Chrifti/ auch in gefchriefften vns zû ver-
lassen/ das er vns in den felbigen gefchriefften/ nit folte die notwendigften ftuck zû allem Göt-
lichem leben auff das aller vollkommeneft vnnnd liechteft haben dargegeben? Dann welcher
weißer vnd getreuer vatter/ der feinen lieben kindern feine vätterliche leer vnd beuelch/ v-
ber fein mündtlich vnderricht vnd vermanen/ auch in Gefchriefft wolte verlassen/ kondte das
an jm felbs haben/ das er in folcher gefchriefft/ nit folte die fürnempften vnnnd notwendigften
ftuck feiner vnderweißung vnd beuelch begreifen/ vnd des auch fo klar vnd gentzlich/ das fei-
ne kinder vnd nachkommenen/ alle (die anders gewillet weren/ folchen jres vatters leren vol-

Reformati-
on der Kir-
chen nach
Gottswort

Canonici Li-
bri.

In den Ca-
nonicen Bü-
chern alle
notwendige
ftuck zûm
göttlichen le-
ben dargebē

Gleichniß

ge zůthůn) die felben jres vatters leere vnd beuelch in folcher gſchriſt eigentlich vnd wol ver-
fton mőchten/ on einige weytere Declaration oder zůgethone ordnung anderer leuten/ die
dem vatter erft nachkummen? Alfo ift auch kein weiſer getreuer lerer oder gſatzgeber/ der
ein kunſt oder gefetz in gſchriſt verfaſſet dargeben wőlle/ der nit die haupt vnnd notwendig-
ften ftuck der felbigen kůnſt oder des gefetzes in folches feiner ſchriſten alfo reich vnd volkum-
menklich vergreiffe vnd dargebe/ das demnach alle die funſt willen haben/ vnnd fleiß wőllen
a ij ankőren

eins vatters
gegen kindē

a2^v

Vorred.

ankeren/ folche kunft zů lernen/ oder gefetz erkennen vnd halten/ die felbige kunft vnnd gefatz/ auß folcher gefchrifft wol erkennen vnd lernen mögen/ on weiter erkleren vnnd er zůgethon leeren.

Wol ift war/ die erften kinder/ die jhres vatters mündtliche leer mit feiner gefchrifft felbs vernunnen/ kennen jres vatters leer vnd beuelch/ wie auch die yeningen/ fo den der ein kunft zům erften geleret/ oder ein gefatz den verftand vnnd meinung der gefetzten erftlich gegeben/ felber gehõret/ ein yede kunft oder gefatz/ auß der gefchrifft die ein folicher verlaffen/ inn vilen dingen/ beffer vnd völliher vernunnen/ dann die/ fo ein folichen lerer oder gefetzgeber/ nit felber gehõrt haben. Wie aber dem/ fo bleibt doch das gwiß vnd war/ ifts ein weyßer getrõwer vatter/ lerer oder gefatzgeber der feine beuelch/ leer oder ordnung/ den feinen in gefchriften wil le hinder jm laffen/ die felbigen feine beuelch/ leere vnd ordnung auß folicher feiner gefchrifft alle zeye zů erkennen/ vnnd zů lernen/ fo wůrdt er auch die felbige feine gefchrifft der maßen ftellen/ vnd in deren was das nõtigt vnd beße ift/ fo völliher vnd liecht dargeben das die nachkummenen/ fo fie allein wõllen/ vnd auch etwas fleiß ankeren/ auß folicher gefchrifft wol erkennen vnd erlernen mögen/was folichs vatters lerers vnnd gefatzgebers wil/ meinung vnnd leer gwefen ift/ auch on einigen weitem bericht vnd zůgethone leeren.

So dann vnfer Gott vnnd Herr der ift/ der allen menfchen allen rechten verftand vnnd weißheyte verleihet/ vnd mag kein größere treuw vnd liebe fein/ dann die er gegen vnns hat/ der fein feel in tod für vns geben hat/ wer folte dann nit (der anderft diß ein wenig zů hertzen füret vnd betrachtet) von gantzem hertzen erfchrecken/ ab der greulichften fchmach difes vnfers allein weifen vnd recht getreuwem lerers vnd meifters Jefu Chrifti/ welche jm alle die beweifen/ die nit bekennen/ das auch er vnfer aller getrauwtilter meyfter vnd heyland/ vnns in feinen heyligen gefchriften/ alles das vnns zů vnferm heil zů wiffen/ nutz vnd dienlich ift/ alfo lichtig klar vnnd reichlich dargegeben habe/ das wir das felbig auch allein auß difen feinen gefchriften/ on alle weitere leere vnd vnderichtung der nachkummenen/ wol verfton vnd erlernen mögen/ So wir allein in der warheit wõllen/ vnd vmb den einigen gewiffen außleger difer gefchrifft/ den heyligen geyft trawlich bitten.

Solchs bekennen nun ye die nit fo man von Reformation der kirchen vnd Chriftlichen lebens fraget/ vnd handeln foll/ nit wõllen/ das die leer vnfers heyls vor allem auß den Euangelien vnd andern Apoftolifchen vnd Prophetifchen gefchriften/ mit ernftlichem betten vmb die erklärung des heyligen geyfts/ gefüchet vnd vernommen werde/ eh mann fich inn einigen menfchlichen lere vnd erhaltungen etwas erfehe/ folche geben vnferm einigen hymelichen meifter der ewigen weißheit des vatters vnferm Herren Jefu Chrifto fo vil ehr nit/ als doch yede frumme kinder/ jrem vatter/ vnd yede rechtgefchaffne jünger jrem meyfter geben. Dan welche kinder/ die jres vatters beuelch auch in gefchriften von jm empfaßen/ folten nit die felbigen gefchriften wo fich von jres vatters beuelchen etwas mißuerftands vnder jnen zůtrůge/ vor allem befehen vnd erwāgen wõllen/ eh fie yemans anders daruon zůfragen oder zů hõ

Welche Ariftotelici Philofophi wo fie fich der meinung Ariftotelis (ren gedechten?) yrget jn in ongleichem verftandt befunden/ folten nicht auch zům erften fein/ des Ariftotelis

Schmach
Chrifti fage
er hats nit
alles gelert

Feind d⁹ wa-
ren Refor-
mation.

Ariftotelici

befragē Ari-
ftotelem
Chri-
ften fragen
nach Chrifti
wort.

gefchriefften felbs befehen/ vor allen Commentarien/ auch der elteften/ fo vber Ariftotelem ge-
fchryben haben? Welche Artzes wurden in zweirechtigen Difputationen von der artzney
nit auch eher die gefchriefften Hypocratis/ Diofcoridis vnnd Galeni erfuchen/ dann einiger/
die hernach von der artzney/ oder vber die Bücher Hypocratis vnd Galeni gefchryhen haben
Welche rechtgelerten fehen auch nit vor allem was die wort des glatzes felbs vermögen:
Darumb ja ein aller greuwlichfte fchmach der ewigen Göttlichen weißheytt vnd liebe ge-
gen vnns das fein muß/ inn fragen vnnd handlungen von d⁹ Religion/ nit vor allem die hey-
lig gefchriefft/ vnnd fürnemlich die also liechten Euangelien vnnd Gefchriefften/ der Apoftlen
erfuchen vnnd erforschen/ Vnnd auch was mann darynn eigentlich/ vnnd on einige ferrere
Difputation

a3^r

Vorred.

disputation zu erlernen hat/ on einiges weiter bedencken/ wider annehmen/ vnd inns werck richten vnd bringen.

Dann wir ja gantz liecht vnd vber reylich in den Euangelien vnd Apoftolischen geschriff ten fürgefchryben vnd dargeben haben/ was leut man zum kirchen dienft wöhlen/ wie vnnd was die leeren vnd fchaffen sollen/ Wie sie die heyligen Sacrament/ Tauff/ Abentmal vnd hend aufflegen/ mie allen kirchen übungen verrichten/ wie sie die artzney der büß gegen den fündigen heylfamlich gebrauchen sollen. Warumb solten wie dann nit zum erften/ in dem al lem wider annehmen vnd ins werck richten/ das/ fo ein yeder Chrift/ in den Exempeln vnd Leeren vnfers lieben HERREN Jefu Chriffti vnd feiner Apoftel/ hieuo fo klar vnnd eigent lich sicht vnd erkennet/ des Herren gebott vnnd beuelch fein das daran bey niemann einiger zweifel befunden würt/ da man die helle sonne hat der leeren vnd thaten vnfers lieben Herrn Jefu/ solle man erft fragen nach einem duncklen liecht menschlichs wiffens?

Wol ift war/ vil ort diser heyligen fchriffe möchten wir besser verfton/ fo wir den Herren/ wie die lieben Apoftel felbs gehöret oder aber der Apoftel verftand vnnd Praxim inn dem ei gentlich befchryben hetten. Dife ort aber der heyligen gefchryfften/ find vnns entweders zu wyffen nicht von nöthen/ oder der heylig Geift wurde vnns sie auch gwyßlich zu warer beffe rung gleich zu verfton geben/ wo wir das alles/ das er vns inn difen feinen gefchrifften fchon klar vnd gwyßlich zuuerfton geben hat von gantzem hertzen annehmen/ vnd ins werck rich ten vnd bringen. Vnd dieweil dem also/ fo hat der Herr vns auch weyteren gewyffen vn derricht von der Religion nit wöllen geben.

Dann ob er vns wol inn den Büchern der lieben Vättern vil herrlicher erklärung vnnd zeugniß/ deß er vns in feinen heyligen Euangelien vnnd Apoftolischen gefchrifften verlaß fen/ gegeben/ fo find doch die felbigen erklärungen vnd zeugniffen alle/ mit fo vil menschlich es ongwylfes wohns vermyfchet/ das die lieben Vätter felbs zeugen/ das man jnen weyters nit glauben folle geben (wie sie auch felbs einander nit weyters glauben geben haben) dan fo vil ein yeder feine leeren vnd fürgeben mit der Göttlichen gefchriff/ oder klaren vnd on wider fprechlichen vrfachen erweiße. Derhalben wie alle liebe Vätter mie jren Exempeln vnd Le re bezeugen/ muß alle leer vnd wares vrteil von den Religion fachen/ auff der einigen Gött lichen gefchriff befton vnd berügen. Daher auch kummet/ das auch die aller gelertesten vät ter in gar vilen orten nit allein nit alle mit einander ftymmen/ fonder offt auch nit allezeit mit jnen felbs. Daher der heylig Auguftinus/ der warlich mit den aller gelertesten vnd Gott feligften gwefen/ zwey gantze Bücher verlaßen/ darynn er feine vorige gefchrifften vnd Lee ren verbessert hat.

Die widerwertigen Chriftlicher Reformation fchreiben vnd fagen vil von den Apoftoli fchen Traditionen/ leeren vnd ordnungen/ welche die Apoftel den kirchen als fondere gschriff ten verlaßen sollen haben. Welcher aber von allen bewerten heyligen Vättern berümet sich diser Traditionen gwißlich/ weyters dann fo vil belanget die vergwyßung von den war Apo ftolischen vnd Prophetischen gefchrifften/ Die man Canonem nennet Sanctorum Libro rum. Vnd dann von dem gemeinen verftand der haupt artickel vnfers Chriftlichen glaubens

Was mann in Euangeli fcher vn Apo ftolischer ge fchriff habe

Wann ein wolck in der gefchriff fchei net der ift ge gen der son nen zuhebē.

Bücher der Vätter.

Wie ferr mā den Vättern glauben fol.

Vätter ftym men offt nit mit einand⁹ offt mit jhn felbs nit. Auguftinus ij. bücher Re tractationū. Traditiones apoftol. Rum

Canon San ctorum libro

wie der im gemeinen symbolo Apoftolorum verfaftet ift/ Wiewol von etlichen Büchern/ die wir gern als Apoftolifch halten/ als von der Epiftel zu den Hebreern/ die ander Epiftel Petri die ander vnd drit Joannis vnd Jacobi vñ Jude. Item Apocalypfis bey den elteften kirchen/ noch nit ein gantz gwiffe erkantniß vnd haltung gwefen ift/ wie das vnfer Eufebius im dritten büch meldet. rum.

Wo her hat man nun diße Bücher hernach in die kirch alfo hoch auffgnummen? warlich nie von einiger Tradition/ dann man die nit gehapt/ fonder das man fie mit den andern gwiß Apoftolifchen gefchrifften hat gleichhellig befunden.

Alfo haben auch die lieben Vätter den Apoftolifchen verftand vnfers glaubens/ nit endt
a iij lich

a3^v

Vorred.

Merck/ vnser glaub
gründet sich
nit auff Traditionen.

lich auff die Traditionen/ sonber auff die klaren geschrifften der Propheten vnnd Apofstel grundtueftet/ wie mann das bey den heyligen Vättern Ireneo/ Tereulliano/den aller eltesten/ deren geschrifften wir haben/ zů sehen hat.

Jgnatius
hat die Traditionen beschryben vn den kirchen gelassen.

Vnser Eufebius meldet im anzognen Bůch Cap. xxxvj. Wie ber heylig Jgnatius/ der der Antiochenischen kirchen/ der ander nach S. Peter vorgewefen soll sein/ von ihm selbs geschryben/ das er die Apoftolischen Traditionen on geschriffte vbergebene leeren/ habe den kirchen jre sicherheyt/ damit den nachkommenen nichts ongwiffens wer/ inn geschriffte verfasst gelassen. Wie wol aber vnser Eufebius diß geschryben hat im jar CCC. vnnd xx. so ein nit lange zeyt/ nach dem tod Jgnatij martyre/ der gelebt im hundert vnd elfftē jar/ noch hat er diß bůch Jgnatij nit gesehen/ Etliche Episteln die er geschryben/ vermeldet Eufebius/ Wo find aber auch die selbigen hinkommen? Dann das gedicht so der gůt Stapulensis hat auß gon lassen/ hat wol etwas kindisch zů rhymen/ auff die meldung Eufebii/ Das ander aber ist dermassen zůfamen gerafflet ding/ das es den nammen Jgnatij bey keinem alten hat ertragen mögen/ vnd noch bey keinem verftändigen Chriften tragen mage.

Eufebius
hat d3 Bůch Jgnatij de Traditionibus nit gesehen.

Vnser Eufebius gedenckt auch des Papie eines Jüngern Sanct Johannis Euangelisten der fünffbůcher soll geschryben/ vnd jnen den Titel gegeben haben/ Erklärung der worten des Herren. Er aber/ der Eufebius hat schon zů seiner zeyt mehr darvon nit gehapt/ dan er im Ireneo bezeuget/ gefunden.

Papias Johannis Euangeliste jünger.
Ireneus.

So meldet der selbig Ireneus/ welcher geschryben hat Anno C. lxxv. vnd darumb der eltest Schribent ist/ den wir inn der kirchen haben/ wie er fleißig nach den nechsten nachkommenen der Apofstel gefragt habe/ was Andreas/ was Petrus/ was Philippus oder Thomas was Jacobus/ was Johannes oder Mattheus oder ein anderer auß den Jüngern des Herrn oder was Ariftion/ oder Johannes Presbyter gefagt hetten.

Es hatte aber auch diser liebe Ireneus vns dise reden in kein sonder Bůch auffgeschryben was er auch wider die ketzereyen dargethon/ hatt er alles mit der heyligen geschriffte erwyfen. Meldet wol auch der Traditionen/ aber wie gefagt/ allein so vil belangt das gewisse vrtheil/ vnd anzahl der Göttlichen Bůchern/ vnd den gemeinen Apoftolischen verftand/ der haupt artikel vnfers Chriftlichen glaubens. Doch setzet er die endtlich bewerbung auff die geschriffte/ des befehe man sein drittes bůch/ so er wider die ketzerey geschryben hat/ von anfang inn den fünff erften Capitlen.

Wunder d3 die Bibliische geschrifften erhalten.

So nun vnser lieber Herr Jesus yhe will/ das seiner lieben gmeinden vnnd gesponßen/ nichts abgehe/ an allem dem/ das er zů gewisser leere des glaubens/ in einigen weg dienen mög/ vnd hat derhalben jr aber mit so großem wunder allein die Bibliischen geschrifften erhalten/ vnnd dann auch wol viler Vätter (aber deren/ die alles durch die heyligen geschrifften beweren/ vnd on deren bewerbung nichts gelten wóllen lassen/ es seyen die als gelert vnd heylig gewesen/ als sie haben sein mögen) warumb hat er dann seiner liebsten gemahel nicht auch erhalten die Bůcher Jgnatij/ Papie/ oder anderer/ darinn mann hette der Apofstel Traditionen sein bey einander gehept/ vnd möchte sich darauß aller spennen deß baß entscheiden. Das were ja ein schwere lefterung Chrifti fagen/ das er sein kirch an etwas nutzlichem het

Johan. xv.
Jch hab vch
noch vil zu fa
gen.

verlassen/ so er doch sein blut für sie vergossen/ vnd jr nit allein die sichtbare welt/ fonder auch die Engel zu dienern vnd alles ergeben hat j. Corrinth. iij. Ephef. j. iij. Das auch der HERR zu seinen Apoftlen faget Johannes am xv. Capitel/ hat er seiner gantzen gemeinde verprochen/ vnnd leyftets jr biß zu end der Welt alle tag/ darumb er jr auch verheiffen alle tag biß zu end der Welt bey jhr zu sein. Euch aber (fagt er) hab ich freund geheiffen/ dann alles was ich von meinem vatter gehört/ hab ich euch kundt gethon/kundt gethon (pricht er/ nicht allein gefagt oder fürgeben. Darumb würt das bey allen waren Chriften/ wie es auch bey allen bewerten Vätern geltanden ist/ fonder allen zweifel geschlossen werden/ Das vns alle Christliche leere/ alle war Apoftolische Traditionen in den Prophetischen vnnd Apoftolischen geschribten

a4^r

Vorred.

Schriefften vberflüßig dargegeben sind. Also wo wir vnns zû diser geschriefft recht keren vnnd haben sie mit warer Gottes forcht vnd ernstlichem bitten vmb den heyligen geyft/ den einigen waren außleger diser geschriefften/ lesen/ erwegen/ in der gmeinde des Herren/ vnnd sunft gern hören/ von allen denen/ die vnns der Herr/ darzû beruffen vnnd begabet/ fûrgeben hat. Vnd dann auch so vil wir daryn alle mal wol verston/ hertzlich annemmen/ vnnd ins werck richten/ bey vns vnd andern/ so vil yedes beruff erfordert/ Das vnns an einiger heylfamen/ vnnd nützlichem leet der Cottfelikeyt/ vberal nichts manglen/ oder abgon môge/ wann gleich ein einiger bûchstab von der Religion nit mehr auff erdtreich were/ vnd das vnns auch mehr beforderung zur Gottfelikeyt nit bringen wurde/ wann wir gleich alle vermeldetenn vndergangen/ vnd auch vil mehr geschriefften der alten hetten/ vnnd auch deren/ welche die Apoftel felbs gehôrt/ vnd jren brauch gesehen haben.

Derhalben werden alle ware Chriefften/ wann von Chriefflicher Reformation zû handeln ist vor allen aller heyligen Vätter geschriefften/ die feyen berûmet/ von leere vnnd heyligkeyt als hoch sie ymmer môgen/ die Gôttlichen bûcher/ die so liechten Euangelien/ Geschiechten vnd Epistel der Apoftel/ auff alle fleißigst befehen/ vnd weiß sie vnns darynn fûrgeschriben/ befinden/ mit gantzem hertzen annemmen/ vnnd ins werck richten/ Vnnd demnach erft befehen/ aber allein bey den heyligen bewerten Vâttern/ vnnd bey den Eltsten zûm fûrnempften (Dann das erft war/ das hernaherkommen falsch ist/ wie der Tertullianus angezeigt) wie die alten kirchen/ die lere vnd ordnung des Herren verstanden vnnd gehalten haben. Vnnd das demnach mit der massen/ das wir alles/ auch der aller eltsten/ verstand vnnd haltung in der Religion/ gegen dem allein gantz gewiffen wort Gottes vnns inn seiner geschriefft vorgegeben halten/ vnd dadurch richten vnd beweren/ wir sollen ja die herrlichen gaben Gottes vns durch die liebe Vätter verlaffen/ vnnd durch so wunderbare gnade Gottes/ biß auff vns erhalten/ nit verachten. Aber sie doch auch in jrem grad/ vnd als dienft Gotfeliger menschen/ die ymmer mangelhaftig bleiben/ in jrem grad/ vnd nit dem ewigen gewiffen Gottes wort gleich halten.

Weil auch gewiß/ das die lieben Apoftel alle leer Chriefflicher Religion/ wie auch Tertullianus zeuget den kirchen mit jrem blût zûm volkommesten außgoffen habenn/ muß mann auch wol darauff sehen/ was warlich Catholicum/ All gmein ist in der kirchen Chriefft/ das ist wie es Vincentius Lirinensis wol beschreibet/ das von den Chriefften allen/ alwegen/ vnnd allenthalb/ als Chriefftlich vnd recht/ erkennen vnd gehalten ist worden. Dan wir vnser Herrre Johan. xv. vnd Paulus Actorum xx. felbs zeugen (darauff auch Ireneus vnd Tertullianus die Praefcription/ wider alle ketzereyen vnd falsche leeren recht grundtueften) also zwey flet daran kein rechter Chriefft das vnser Herr Jesus Chriefft die gantz vollkommen leer des heyls seinen Jüngern vnd Apoftlen gantzlich vnnd zûm eufferisten (der massen/ die difem leben gebüret) erkleret/ hat zû erkennen geben/ vnnd alle Völcker der Welt zû leren befolhen. Vnd das auch die selbigen jünger vnd Apoftel des Herren/ dife lere/ zum aller treuwlichsten vnd aller volkommesten den kirchen die sie im verlamlet/ mit jrem blût außgegoffen haben/ vnd gar nicht so ftücklecht oder tunckel/ das sie der nachkommenden zûsatz vnd erklerung be-

Weiß mann in den Prophetischen vnd Apoftelischen geschriefften hab

In der Reformation auff die Biblisch geschriefft zû sehen.

Gotts gabē inn den Vâttern zûliebē.

Apoftel habē die leer mit jrem blût vßgoffen. Was Catholicum in der kirchen ist.

wz Chriefft die Jünger geleret.

wie die Apoftel geleret.

dörfft haben. Das namlich der Sorbenen zu Pareiß/ oder dem ftüll zu Rhom vorbehalten
were/ mit jrem verkleren/ definieren vnnd beffern/ neuwe artickel vnd ordnung der Religion
zumachen/ wie sie sich mit Widerchrißlichem freuel vnderftanden.

Nun aber/ demnach feer tröftlich vnnd befferlich ift erkennen vnnd fehen/ wie der heylig
geyft Chrißti bey den lieben alten Chrißten vnd Martyrn vnd zu allen zeyten von anfang
der Kirchen/ eben den verftand der gefchrißft/ vnnd haltung der RELIGION
gelert vnnd erhalten hat/ Denn der liebe GOTT auch vnns zu difen letften zey-
ten mitgetheylt/ vnnd dann auch bey vilen güthertzigigen/ vnnd aber noch ſchwachgleubigen

a iij Chrißten

Verftand d⁹
gefchrißft im
anfang der
kirchen.

a4^v

Vorred.

Anklagung
der wid^{er}wer-
tigen Chrift-
licher Refor-
mation.

Chriften/ ſie zûm Herren gantzlich zû bringen hoch dienftlich iſt/ jnen klar dar thon/ bas die widerwertigen Chriftlicher Reformation/ vns die folche Reformation gern befördern wö-
ten in dem felchlich anklagen/ das ſie von vns außgeben/ wie wir die alten waren Chriftli-
chen leeren/ vnd haltung des kirchen ändern/ vnnd neuw yrrthumb vnnd vnordnung einfû-
ren. So doch ſte in allerley greulichen neuwen yrrfalen/ vnnd verkerung der Religion, wider
allen glauben vnd handlung der alten kirchen gantz verfuncken ſind/ welchs ein yeder frum̄er
Chrift eigentlich hat zû erken̄en der etwas in der alten heyligē vätter gſchriften geſehen hat.
Der Herr wöll ja ſeine lieben gmeinden/ durch alle werck vnd gaben ſeiner gnaden/ die er jr
gibt vnd verlaſſet/ zur Gottfeligkeit beſſern vnd erbawen/ Darumb muß ja nicht ein ge-
ring frommen der kirchen bringen/ leſen vnd erkennen was glaub vnnd Gottfeligkeit er den
alten verluhen.

Eufebius.
Tripartita.

Der vrfachen/ hab ich hievor ins Teudtſch vertolmetſchet/ vnd zûm andern mal in Truck
geben/ die Hyſtorien Eufebij Cefarieniſis/ mit dem anhang der zweyen Bücher Ruffini vnd
Calliodori Senatoris/ die man nennet die Trey geteilte/ darumb das ſie zûſammen getra-
gen iſt/ auß den dreyen Geſchiecht ſchreibern/ dem Theodoreto/ Socrate vnnd Sozomeno/
In welchen Hyſtorien Eufebius beſchryben hat/ das erſte erbawen vnd volgendes erbreit-
ten der gmeinden Chrifti/ von der geburt vnſers Herren biß auff das CCC. vnnd etlich jar.

Rufinus vom Concilio Niceno/ biß an den abſcheid Theodoſij des. j.
Calliodorus von Conſtantino biß auff Theodoſium den. ij.

Verfolgung
der Chriften

In diſen allen dreyen Hyſtorien ſind auch beſchryben die fürnempften anfechten der kir-
chen/ beyde durch eußere verfolgung der Tyrannen/ vnnd innerliche zerſtörung der falſchen
leeren/ vnd ander zwiſſtracht vnd geprechlikeyt der Chriften/ vnnd auch dargegen die hilff des
Herren/ ſeinen gmeinden bewyßen/ durch allerley verbetterung vnnd Reformation/ damit
des Satanas vnd Widerchriſts lyft vnd einfall/ abgetryben vnd gebrochen worden iſt. Inn
dem auch die fürtrefflichſten zeugen vnd werckzeug des Herren vermeldet werden/ der Lerer
der eltern Biſchöffen/ vnnd andern kirchen dienern vnnd gmeinen Chriften. Item auch die
Concilien inn beſonderen Prouintzen/ dann von vilen Nationen verſamlet/ durch die der
Herr ſeine kirchen erſtlich erbawen/ vnd wider vom yrrthumb vnd abfall errettet/ gebettert
vnnd Reformiert hat. Deß gleichen auch die Chriftlichen Keyſer vnnd andere gwaltigen ſo
zûm Reych Chrifti gedienet haben.

was das
ſchwertlin
bedeute.

Alſo werden auch in diſen Hyſtorien des Satans vnnd Widerchriſts fürtreffliche diener
vnnd werckzeug erzölet/ von Tyrannen/ vnnd wo man das ſchwertlin ſihet inn margine
ſton/ daſelbſt werden gemeinglich der Chriften martyr vmbſ glaubens willen gemeldet.

Nutz diſer
Hyſtorien.

Der halben diſe Hyſtorien/ wo man ſie mit Gottesfürchtigem hertzen leſen vñ erwegen
wolte/ mercklichen frum̄en der Kirchen Gots bringen werden/ nemlich zû diſen vnſern zûm
theyl ſeligen zeyten (weil vns der Herr ſein heylig ſâlig machen/ des Euangeli ſo herrlich hat
wider gefandt vnd außgon laſſen vnd dadurch zû der ſo notwendigen vnd heilſamen Refor-
mation der kirchen alſo vätterlich vnd gnediglich beruffet) zûm theyl auch betrübten zeyten
weil der Satan ſich wider diß werck vnſers heyls/ Chriftliche Reformation/ beide durch

Selig vnnd
betrübte
zeit

1545. fo graufam veruolung/ erfchröckliche ketzereyen/ vnd andere fchwere ergerniffen/ alfo trutzlich fetzet.

Apoftel zeyt. Dann in difen Hyftorien hat man klar zû fehen/ was nach zeytlichem abgang der Apoftel/ zûn zeyten der heyligen martyrer/ die rechte form vnnd wesen der gmeinden Chrifti/ die einige ware Religion Chrifti/ die gefunde leer/ der reine glaube/ die rechtgefchaffne haußhaltung der kirchen gwefen fey.

 Weil fich dann diß mit dem das vns der Herr in den Euangelien vnd Apoftolifchen gefchriefften hat verlaffen/ vergleicht/ fo muß ja folches lefen vnnd erkennen/ den ftarcken im glauben Chrifti/ vnd handlung vmb Chriftliche Reformation der kirchen/ nit geringen troft
vnd

a5^r

Vorred.

vnnnd ergetzung bringen/ den ſchwachen ſtercke vnnnd beforderung zů difem werck/ den widerwertigen ſcham vnd ein niderſchlagen jres gottlofen freuels. Dann mann auß difem leefen gantz klar vnnnd eigentlich erkennet/ das die Chriftliche Reformation der Kirchenn die der HERR bey vns erweckt/ keine neuwerung ift/ wie es die Widerchriften mit offenbarer onwarheytt ſchelten/ fonder ein widerbringung vnſer waren alten vnd einigen Religion/ vnnnd Haußhaltens in den kirchen CHRJSTJ/ zů der einigen alten form vnnnd weiß/ die vnns der HERR durch ſich felbs vnd feine lieben Apoſtel fürgefchryben, vnnnd deren ſich die elteſten vnd aller beſten Chriſten/ vnnnd theuwreſten Martyrer/ ſo getreuwlich vnnnd ernſtlich gehalten/ vnd drob mit folcher beſtändigkeytt alfo vil erlitten/ vnd jr blůt ſo gantz getrůft verſoffen haben.

Darneben hat man hierin auch das zů lernen/ wie des Satanas vnnnd Widerchrifts lyſtige auffſetze vnnnd gewaltigen einfáll/ wider die Gemeinden GOTTES/ es ſeye durch die euffere verfolgung der Tyrannen/ oder innerliche zerruttung vnnnd trennung der Ketzer vnd Schiſmaticen/ oder das hinfallen der fleyſchlichen menſchen/ vnd falſch berhůmpften Chriſten/ zůbegegnen/ vnd den Sieg wider den Satan vnnnd Widerchrift/ zůerlangen ſeye.

Die widerwertigen Chriſti/ vnnnd Euwerer Churfürftlichen Gnaden/ im werck Chriftlicher Reformation/ auff kein ſchein der warheit/ funder allein vertrůftet auff die macht des Widerchrifts/ dörffen Euwere Churfürftliche Gnad anklagen/ als ob ſie im fürhaben Chriftlicher Reformation wider die alten Traditionen/ vnnnd Ordnung der kirchen handelte/ weil ſie herbrachte kirchen mißbreuch ändern/ on yhres Clery recht/ vnnnd des Bapfts oder Concili zůgeben vnnnd brauch/ vnnnd brauche leut dar zů/ ſo vom Bapft vnnnd jhnen verworffen ſeind.

Wie onuerſchampt aber diß jhr anklagen ſeye/ würt ein yeder Chriſt leicht erkennen/ der diſe Hyſtorien leſen will/ Sie ſelb vnnnd meiniglich ſehen lengeſt vnnnd greiffen/ wie dem armen Volck CHRJSTJ zům höchſten von nōtten ift/ das/ wie Euwer Churfürftlich Gnad Chriftlich fürhatt/ das Geytlich in den Kirchen/ von dem Weltlichen entlediget vnd befreyet/ vnnnd alfo wider inns werck gerichtet werde/ damit die gemeinden CHRJSTJ Euwerer Churfürftlichen Gnaden befolhen/ möchten wider mit folchen Dienern/ die dem Geytlichenn/ der waren ſeelforg/ gantzlich vnnnd treuwlich oblegen/ verſehen vnnnd bedienet/ vnnnd der ſo gar ergerlichen vnnnd verderblichen Mütlingen vnd Wölffen (die die Pfarren von wegen jres zeytlichen prachts vnd mütwillen/ ſo jämlich verderben/ mit falſcher leer/ verkerten Ceremonien/ mißbreuch der Sacramenten/ mit ſchandlichem leben/ vnnnd itãgem berauben des zeytlichen) ein mahl erlediget/ Vnnnd alfo der kirchen dienft inn Leer/ Sacramenten/ vnnnd allen anderen Chriftlichen Ceremonien/ Ordnungen vnnnd Zucht/ wider angerichtet vnd verrichtet werden/ nach dem beuelch des Herren/ vnnnd der waren alten form vnd weiß/ wie das der Herr felbs eingefetzt/ vnnnd die alten waren kirchen/ ſo getreuwlich gehalten haben/ wie diſe Hyſtorien glaubwürdig zeuget.

Das namlich dem volck CHRJSTJ inn den kirchen allein die heyligen gefchrifft/

Chriftlich Reformation ift kein neuwerung.

Satanas lyſtikeytt wider die kirchen.

Anklagung d^{er} widerwertigen Chriſti vber den Churfürften zů Cöll.

Merck/ das Geytlich vō Weltlichen in den kirchē befreyen.

Das fruñe hirtē bekumen wōlff vñ mietling abgetryben.

Das allein die heylig ge

vnnd was darauß genummen/ vnnd deren gentslich gemåß ift/ vorgelesen/ gefungen oder geprediget werde/ mit aller andacht vnnd ernft/ Auch zû güttem verftand alles Volcks vnnd gewyffer pflantzung vnnd ftercke bes glaubens an vnfern HERRN CHRJSTVM der durch die liebe thätig fey zû allen gütten wercken bey allen erwöhlten Gottes/ Das auch die heyligen Sacrament vnd alle Ceremonien nach des HERREN einfatzung/ vnd auch zû warer erbawung difes glaubens gehandelt vnd außgefpendet/ Vnd die Chriftliche zucht zûbeforderung

fchrift in den kirchen geübet.
Glaub.
Liebe.
Sacrament nach der einfatzung.

a5^v

Vorred.

zubeforderung wares abfterbens des fündtlichen fleifches vnd beforderung des neuwen götlichen lebens geübet vnd gehalten wurde.

Abgöttereie
an heyligen
jren gebeine

Damit das arm volck Chrifti ein mal recht wider zu Chrifto dem HERREN gefürt/ vnnd von den fo fchweren greulichen Abgöttereien an den heyligen/ jren gebeinen vnnd bildern/ auch verkerten Ceremonien/ damit die Widerchriften alles vberfchütt haben/ zu war Chriftlicher Religion wider bracht wurde.

Bifchöfflich
pflicht vnnd
ampt.

Ja diß E. Ch. G. Chriftlich vnd notwendig fürhaben/ wiffen jre Cöllnifche vnnd andere falche ankläger/ des HERREN erfter beuelch/ vnd jr war Bifchöfflich pflicht vnnd ampt fein/ vermög nit allein der heyligen gefchrift/ fonder auch aller waren Apoftolifchen Traditionen/ aller alten Canonum vnd haltung der waren kirchen Chrifti/ vnd deren aller getrautesten vnd bewertesten diener.

Einred der
Cöllifchen
ankläger.

Noch dörfen dife leut fürgeben E. Ch. G möge nit gebürē/ in folchen gwyffem ongezwieletem beuelch vnd gebott des allmechtigen vnfers einigen Gottes vnnd Heylands nach zu kommen/ on bewilligung des Bapfts oder Bapftlichen Concilij/ on rat vnd gehel jrer Suf fragamen vnnd Clery/ vnnd mit dienft deren die difen darzu nit gefellig find/ die fie frembd vnd onbewert fchelten. Als ob einigen Chriften gebüren möge/ wann er Gottes klares gebott hatt/ mit gehorfamy des felbigen verzeihen/ biß es auch den ellenden verdampften menfchen wolte gefallen.

Das d^o Chur
fürft fremde
vnnd onbe-
werte berüf-
fen.

Man leße in difen Hyftorien wo zu der Obern Patriarchen vnnd Bifchöffen zu Rhom vnnd anderßwo aufffehen vber andere kirchen vnnd Bifchöffe/ wa zu auch die Chriftlichen Concilien. Jtem der radt vnd verwaltniß gmeiner Bifchöffe gegen jrem Metropolitano/ auch yedes Clery mit feinem Bifchöffe dienen folle. Diß alles wyffen dife falche ankläger wol/ darumb in den kirchen geordnet fein/ das ein yeder Bifchoff dem beuelch des HERREN inn allen yetz gemelten Bifchöfflichen dienften deft better nachkumme/ wo er daran verhindert/ das jm folich hinderniß deft eher hingenummen/ wo er darynn feumig/ das er deft füglicher darzu angehalten/ vnd wo er daruon abgetanden/ wider darzu gebracht/ oder aber die kirch fein erledigt werde/ Kein Gwalt/ kein Ordnung/ kein Verwandtniß ift/ oder mag in der kirchen Chrifti fein/ von Obern/ Gleichen/ ober Vndern/ yeman/ vil weniger einem Bifchoff/ am beuelch Chrifti zuuerhindern/ oder einigen augenblyck auff zu fchreiben. Dann kein gwalt/ kein gemeinfchafft/ kein ordnung in der kirchen mag fein/ dan zu warer betterung vnd auffbauung aller Gottfelikeyt/ ij. Cor. x. xj.

Ob ein Bi-
fchof der Bi-
fchöffen zu
fetzen fey.

Ja wenn die fachen fchon zweuelhaftig find vnd nichtoffenbar ift/ das fie wider Gottes beuelch find/ demnach hat kein Bifchoff auch nit der Römifch/ vber die andern Bifchöff gewalt/ yemann das fo yeder betterlich achtet/ zu wehren/ keiner hatt macht fich ein Bifchoff der Bifchöffen zu fetzen/ wie der heylig Cyprianus recht zeuget/ fonder yeder Bifchoff foll dem andern/ in folchem feim gwyffen vnd dem Gericht Gottes frey laffen.

Bapft Vi-
ctor.
Auicetus.
Polycaryus

Von dem Bapft Victore/ meldet vnfer Eufebius Libro. v. Cap. iiij. der doch ein heyliger Mann war/ der wolte des Ofterfefts halben/die andern Bifchöffen/ auff feiner Kirchen weiß tringen/ das haben im aber die andern Bifchöffe gewehret/ vnd warffen jm feines vor

faren Auiceti Exempel für/ der Polycarpū in aller lieb vñ gemeinſchafft Chrifti/ vñ des Biſchöfflichen dienſts/ von ſich gelaffen da er jhn ſchon auff ſeine meinung nit bereden kondte. So iſt auch dem Römifchen Biſchoffe/ nie mehr befonders auffſehen befolhen worden/ dann vber die Italianifchen/ vnd nach bey Rom gelegene kirchen/ die ſie Suburbicarias geheiffen haben. Deß befehe man die erkantniß deß Niceni Concilij in Tripattita Hyſtoria.

Weß d⁹ Chur
fürft zū Cöll
ſeinen Suf-
fragancen
ſchuldig.

So vil dann belanget E. Ch. F. G. gemeine ſuffraganeos vnd eigen Clerum/ iſt war/ inn zweyfelichen ſachen der kirchen die menſchlichs rechts bedörffen/ ſol ein Metropolitan die Biſchöffe ſeiner Prouintzen/ vnd yeder Biſchoff ſein Presbiterum vnd Clerum zū recht nemen. Jha aber die waren Biſchöffe/ vnnd ware inn ſachen Chrifti/ Suffragatores/ die waren

a6^r

Vorred.

ren Presbyter/ vnd Clery/ vnnd auch die so begabet sind/ das sie in sachen Chrifti zů radten wiffen vnd treuwlich wöllen.

Nun haben aber E. Ch. F. G. inn jrer Reformation nichts vberal das einiges menschlichen rahtens bedörfte/ ob mans thůn soll/ oder nicht/ Dann was Euwer Churfůrft. Gnad da wider bringet/ sind ding vom Herren offenbarlich gebotten vnnd befolhen/ wol dörfte man vil radt vnd hilff/ das mans wider fůglich vnd krefftig ins werckbrechte? wer ist aber vnder Euwerer Churfůrftlichen Gnad Suffragancen/ oder auch Clero hie zů willig vnnd begabet? Die Suffraganei außgnummen mein G. Herren zů Münster rhůmen sich deß halben nit/ Also freylich auch nit die Hoch vnnd Wolgepornen Herren jres Capitels/ Was dann die syben oder acht Prierster/ vnd andere Canonici/ Vicarien/ Můnch vnnd Fratres/ die do greuwlich wider das Reych Chrifti ftůrmen/ verstandt vnnd eyfer haben zů Chriftlicher verbesserung der kirchen/ ist leyder meniglich nur zů vil erkant/ vnd ligt am tag/ inn allen jren leeren vnd leben.

Wie vil sind doch jren/ deren Profeffion die Theologi vnd lere Góttlicher geschriffte lere? Dieweil sie dann auch noch getulden/ zům theyl auch selbs solche predigen thůn/ darynn die leut offenbarlich verleytet werden/ auff falsche vertrauwen vnd abgóttterey an heyligen/ deren beynen/ bildenen/ an verkerte Messen vnd andere Ceremonien vnnd allem Sacrament der kirchen.

Item dieweil sie auch die Messen so gantz verkeret wider den klaren beuelch Chrifti/ vnnd alle alten ware Traditionen/ Canones vnd haltung der alten kirchen/ selbs nit halten/ vn̄ dz andern zůlassen vnd sie darynn befůrdern.

Item weil sie auch den mehrer theyl beuorab die Prelaten vnd Redlinfůrer inn diser auffrůr wid⁹ E. Ch. F. G. Pfarren vnd and⁹e prebenden vberkuemen/ vn̄ inhaben mit offentlicher Symony vnd Saccilegien/ wie diß die Canones erkennen vnd nennen. Auch inn offentbarer onzucht leben vnd anderen zůsehen/ der halben sie die Canones gebieten in allem kirchendienst zů meiden/ Ja dieweil es allobey disen leuten ftadt vnnd alle dise greuwel gantz offenbar am tag ligen/ ich wil doch hiemit nieman weiter beschuldigt haben/ dan yeden seine offentbare mißthat beschuldigt vnd verdammet (frummer Mann nim dichs nit an) so verflůchte E. Ch. F. G. Gott vnd thetten wider sein helles wiffentliches gebott wider alle Canones vnd Leges/ wo sie solche leut zůge oder zůlieffe inn den Radt/ da vonn Chriftlicher Reformation solle/ nit in falschem schein vnd vergebnen geschrifften vnnd nichtigen worten/ wie jr brauch ist/ funder zů wůrcklicher thetlicher besserung vnnd Reformation geradten vnnd gehandelt werden.

Das erste vnnd notwendigste inn Chriftlicher Reformation ist der Pfarren ware taugliche Diener/ die bey den Pfarren wonen/ vnd sie mit allen trauwen vnd ernft inn aller Gottselikeyt erbauen/ verordnen/ Biß wann aber wolten die Prelaten hie zů radten/ die neben vilen andern prebenden vnd Prelaturen so manich Pfarr in handshaben/ vnnd berauben/ denen sie nye einigen Monat die feelforg/ wie sich gebůrt/ verfehen hetten? Vnd darzů noch so ferr daruon sind/ das sie solichs beffern/ das sie lieber noch mehr Prelaturen vnnd Pfarren

Der Bifchof
zů MünsterDas erste in
Chriftliche
Reformatiō

annemmen/ der sie jnen nur gebe?

Wie ist dann der gemein hauff der Clericey/ der Paftoren/ der Mönich zu diesen sachen geschickt. Solche leut sollen Christliche Bischöffe meiden/ vnd von allen kirchen geschickten verstofften/ nicht in die recht vnd handlung Christlicher Reformation ziehen/ Der Herr sagt/ hütet euch vor den falschen Propheten/ die zu euch kommen in schaffskleidern 7c. Wie wol diese auch gar wenig sich vmb schaffskleider bekümmern/ lassen die Wölff zeeen vnd raschen wol sehen/ Güte frucht muß man an gütten beumen nit an bösen lüchen/ Trauben vnd feygen muß man an feygenbeumen/ nit von dornen vnd distlen lesen.

Außer dem Luginreych des Widerchripts gilt es nit auff nichtige/ falsche namen/ eitel vñ gepreng

a6^v

Vorred.

gepreng fehen/ von feinem leib/ rabt der artzney/ feinem güt vnd ehren/radt zû dem rechten/
feinem land vndleuten/ rat zûm fryden/ vor dem feind fûchet/ Der nimpt nit in feinen rad
die allein Artzet/ Juriften/ vnd kriegßleut heiffen/ vnd nichts weniger wiffen oder kônden/
danz das den Ertzten/ Juriften vnd kriegßleuten eignet. Ja nichts wiffen vnd treiben/ dann
gefundtheyt verderben/ recht verlieren/ vnd land vnnd leut den feinden vbergeben. Die kirch
Chrifti ift des Reych Gottes vnd der warheit darumb muß man wenn man jre fachen hand
len foll/ fehen auff das vermôgen vnd thûn/ nit auff falſchen ſchein/ nichtig rhûmen vnd ver-
geblich prangen. Alfo haben die kirchen jren anfang nach dem Gottes wort gehalten/ vnd zû
halten verordnet/ das zeigen dife vnſere Hyftorien vberfliffig.

Philippus
Melanchtō.
Martinus
Bucerus.
Erafmus
Sarcerius.
Johannes
Piftorius.

Das dann E. Ch. F. G. meine liebe brüder vnd getreuwe werckzeug vnnd diener/ Philip-
pum Melanchthonem/ Martinum Bucerum/ Johannem Piftorium/ Erafmum Sarce-
rium vnnd andere/ vnnd vnder den felbigen auch mich zû dem werck Chriftlicher Reforma-
tion gebrauchet. Deßhalben ſich E. Ch. F. G. widerwertige mit einigem ſchein des rechtens
nicht zûbeklagen/ Dann wir Gott lob/ noch weder von jhnen/ oder yrgent einigen menſchen
auff erden/ einiger onchriftlicher leere/ oder verdampften lebens/ vor einigem Richter/ vber vn-
fer vilfaltig erbieten beklaget/ ich gefchweig vber wunden worden ſind. Sind aber Gott lob/
nit allein von vilen lieben kirchen CHRJSTJ/ fonder auch von vilen Gottesfôrchtigen
Churfürften Fürften vnd Stenden des Reychs/ wie auch von E. Ch. F. Gnaden erkennet/
vnd befunden/ als die in der warheyte das allein fûchen/ das Chriftus vnſer HERR bey yeder-
man recht erkennet werde/ vnd regniere. Vnd die auch (dem Herren/ vnd nie vns/ zû rhûm
gefchryben) zû dem dienft Göttlichs worts vnd befferung der kirchen/ vnſer pfundt vnnd ga-
ben/ empfangen haben.

Ob die mân-
ner frembde
vn̄ onbewer-
te von Chur-
fürften berûf-
fen.

Derhalben E. Churfürft. G. vns vermôge jres Biſchofflichen ampts vnnd pflichts/ nicht
hat môgen als frembde vnd onbewerte/ oder auch onbreüchliche zû difem dienft erkennen vn̄
halten/ noch auch denen leuten zû probieren fürftellen/ die ſich felbs vnnd die iren ſo gar vbel
probieren/ Ja in ſo greuwlicher verkôrung der Religion Chrifti vnnd des lebens felbs lygen
vnd andere getulden.

Noch vil weniger hat E. Churfürft. G. môgen gebûren vns nach dem ſie vnns einmal zû
difem dienft berûffen vnd angeſtellet/ von folchem dienft des HERRN auff ſo gar onrechtmeß-
figs vnd vnchriftlichs anklagen vnd fordern/ wider abſchaffen/ welches anders nichts gewe-
ſen were dann den Herren felbs inn feinem dienft verwerffen/ weil nemlich E. Churfürft.
G. jhnen alle mahl angeboten vnns zû gepûrender verhôr vnd rechtuertigung vor zû ftellen/
wir vns auch felbs zû allem rechtmeffigem gericht vnnd verhôr jhnen angeboten/ ſie vnns
aber nie/ wie recht das auch wir vnſer antwort darüber hetten geben môgen/ wôllen ankla-
gen vnd berechtigen.

Macht eins
yeden Biſch

Inn difen Hyftorien/ vnnd aller haltung der alten kirchen/ haben wir/ das ein yeber Bi-
ſchoff macht hab zû der leer vnnd aller recht Chriftliche befferung/ zûgeprauchen/ wenn ein
yeder darzû tauglich vnd von Gott begabet/ yerget finden oder haben mag/ ja ob es auch lau-
ter Layen feyen. Das befehe man das xv. Capitel des fechften Büchs vnſers Eufebij. Von

ofs tauglich
leut zur Re-
formation
zûbrauchen.

Merck
Calumnien
der wider-
wertigen wi-
der vns.

dem Origine/ Vnd was von difen kirchen recht vnd auch altem gebrauch Alexander ein Bi-
fchoff zû Hierufalem an Demetrium zû Alexandria gefchryben hat.

Vnnd was haben noch dife leut die gern vil heßlichs dings klagen wolten/ vber vnns für-
bracht/ das fie vber vnferre leere klagen, diß find lauter Calumnien vnnd falche verkörung
vnfer wort/ wie fie felbs wissen/ oder find von onnotwendigen vnd onbesserlichen geprengen
etlicher zeychen vnd gepreüch/ welcher halb die kirchen jre freyheyt haben/ folche ding fo weyt
zûgebrauchen fo weit fie den glauben in CHRJSTVM dreuwlich vnd befferlich befin-
den. Item vom gwalt des Bapfts vnd jren felbs/ wider das werck Chriftlicher Reformation
vnnd von fürderung des Bifchofflichen gwalts inn dem/ Jnn welchem fie wider das offen-
bare

b1^r

Vorred.

bare göttliche gefatz vnd wider alle Canones vnd Tradictiones wie jr redlin fürer felbs wol wiffen vnd sie diße Hiftorien/ vnd alle alte gefchriefften gewaltiglichen vberzeugen.

Aber darinn trotzen fy vnnd meinen fy haben vns gantz ergriffen/ das wir/ lieber vnferer Eheliche eigen Eheweiber haben/ dann wie jr hauff ellende fchand vōgel/ vnnd an denen niemand hangen mag/ der fich nit vom leib Chrifti vor abgeriffen habe. 1 cor. 6. Item das vnder dem Euangelio etlich fint/ die die klōfter gelūbdt verlaffen klofter jungfrauen zūr Ehe genommen vnd zūm andernmal in die Ehe griffen.

Aber jr forfechter wiffen wol/ das weil fy yhnenn öffentlich tuldē/ in allen geiftlichē wurden vnd empteren die öffentlich mit zūchten zū reden fchnurē bei ynen haben/ vnd die auch geraubet/ auß den Clōfteren von jeren Ehemennern/ von yeren älteren/ die auch enderen/ fo oft sie geluftet/ auch oft zū mal mehr dan eine habē/ nach dem aller greulichften heydni fchen müttwillē/ dz bei ynen die priefter Ehen/ vñ veraffung des clofter glūbd vñ leben san zūklagen jhnen mit einigem rechten nit gepüren wil.

So ifts auch gewiß auß dem Gottes wort vnd auch den alten Traditionen/ das fo vnfer Ehn auch müffen laffen ware vnd heiligen Ehen fein/ auch die zūm andernmal eingangē feind/ Desgleichen/ das sie vns auch dißer Ehenhalb zū dem dienft an Chriftlicher Reformation mit lehren vnd rathen vnnd allem kirchendienft nimmer mehr vntauglich fein erweisen mögen/ Man befehe hie von das 30. capitel. lib. 3. im Eufebio vnnd wes ich von der priefter Ehe zūfammen tragen hab im x büch. des dritten teils

Priefter Eh

So wiffen diße leuth jha wol das das klofter lebenn dißer zeyt alfo ftadt nit wie zūr zeit Hieronimi Crifoftomi Auguftini/ daruō auch hüpfches lefen ift dz die vnfern die daruñ geweßenn das habenn verlaffen müffen/ weil sie nit Chriftum vnferen herren haben verleickenen wōllen.

Clofter leben.

Es hat jnnen in ohren gethonet die ftimm des Engels Hilff du deiner feelen.

Vnd diß alles grundtlich zū erweisen vnnd darzū thun/ vnnd nit allein mitt dem gottis wort/ fonder auch mit dem alten einigen waren kirchenn recht/ habenn wir vns nūn fo oft erbotten/ vnnd erbietten vns des noch vor jeder gepürenden verhōr/ in dem wir allweg ynennen das vorurtheil wōllen laffen/ allein sie kommen doch an das liecht/ vnnd laffen vns armen diener des herren vber jr fo filfaltig klagen einmal gepürende antwort geben

Prangen d^o wider wertigen.

Deshalben prangen die widerwertigen Chriftlicher Reformation/ fo vil sie wōllen mit des Bapfts vnd Concilen gewalt/ mit der verwandtſchafft der Suffraganeen/ mit jeren Metropolitanē/ oder jedes Clerick mit feinen bifchouen/ mit dem das von der ander ordenlichen Prob vnd examination vnd wider die frembden vnd vnbewerten diener der kirchen geſetzt/ mit dem alten herkommen vnd gemeinem brauch der kirchen vnd allem falſchē anklagen wider vnferer perfonen. So werden sie doch auß dem allem mitt keinem rechten/ das in der kirchen Chrifti ye recht ward erweißen/ das E. Churfürft. G. nit folte fūg vnnd recht gehapt/ ja nie auch pflichtig vnd ſchuldig gewefen fein/ yere Chriftliche Reformation/ für zūnehmen/ wie sie die fargenommen hatt/ auch mit ondancck yeren/ vnd yrs Bapfts auch vns vnd andere die sie darzū willig vnd auß des herren gnaden etwas dienlich hat befunden zū

difen wercken zůgebrauchenn/ Man kan ye zu folchem thůn niemand gebrauchen/ der fein kein willen hatt/ man gefchweige des onuermůgens/ Namlich die weil E. Chur. F. Genad die jhenigen fo vnder difen leuten habē můgen/ die aller beft willigē vñ verftändigen vnd er farniften geachtet werden/ in fo vil weg vnd⁹ftanden haben/ zů difem dienft zů vermůgenn das bei yhnenn nit můgen erlangenn/ Seint fie Chriftenn/ lint fie ein Chriftlicher Clerus/ fo werden fy diß werck Chriftlicher reformation noch heuttiges tags jrhes bůften vermůgens vnder fton zů beforderen vnd daran E. Churfůrft. G. mit allen trewenn zů helfen. Thůn fie das nit/ fo lint fie auch nit Chriften noch ein Clerus Cchrifti/ fo gadt fie auch das wenigft nit an das die Canones dem Clero Chrifti zůgeben vñ befellen/ So gepeuttet dan

b

b1^v

Vorred.

dan von ynen vnfer Ertzhirt/ vñ biſchoue vnfer feelen der herr Chriſtus ſagt laßt ſie farē/ ſie ſein blinde blinden leither/ alle Pflantzung die mein himlſcher vatter nit gepflantzet hat muß doch außgerottet werden.

Ob Cölllich
Reformation
wider die
Tradition d⁹
kirchen ſei.

Aapellation
der Cölllichē
an Bapft
vnd ſein le
gaten.

Da werdē aber diſe widerwertige Chriſtlicher Reformation ſagen E Chur. Fürft. G habe in jerer Reformation lehren vnd gebrauch geſetzt vnd geordnet wider die Traditionen vnnd rechte haltung der kirchen Chriſti/ vnnd ſein die ſie zūdiſem werck gabrauchet hatt vnnd noch brauchet verdampfte vnd leſterlich leut vnnd das wöllenn ſy wol recht darthūn/ Diß reden ſei wider yhr eigen gewiſſen/ vnnd alle warheit das wir vnnd ein yeder Chriſt der nach dem Heiligen Euangelion vmb Apoſtolifchen Gefchriſtenn/ alleyn diße vnnfere kirchen hiſtorien/ mit warer gottsforcht vnnd etwas verſtandts geleßenn hatt/ leichtlich jedem Chriſtlichen Richter bei bringenn vnnd erhalten mögen. Sie berüffenn ſich aber auff den Bapft/ oder ſeinen legatenn/ an den appellieren ſie/ Jft war vnnd thūn auch daran wie in allem andern/ das ſie wider Eüwer Churfürft. Genad. fürgenommen/ offenbar wider alle recht/ auch das natürlich/ Dann notarium vnd offenbar/ Das in der welt nieman tieffer in aller reformation vnd kirchen verderben ſtecket/ dann der Bapft vnd ſein hauff wie diſes vil kuntſchafften in den xij. letſten bücheren ſin d3 auch Chriſtlicher Reformation nieman weniger leiden nach gedulden mag/ nieman ſie auch graufamlicher wider ſichtet wo er kan oder mag/ Darumb das auch diß die Canoniften erkennen/ allen Canonibus vnd legibus jha auch natürllicher billigkeit zū wider vnnd entgegen ſein/ das der Bapft ſolte in dißen ſachen/ nit allein für ſich ſelbs richter ſein/ ſonder auch nit ein Concilium darzū berüffen vnd halten. So wiſſen ſy auch auß diſen hiſtorien/ vnd auß dem heiligen Cipriano vnd den Canonibus der erſten vnnd größten Concilien Niceni Conſtantinopolitani vnnd Chalcedonenſis mit dem Aphricaniſchen/ das das ordenlich gericht/ dahin ſie wider E. Churfürft. Genad appellieren ſollen/ erſtlich allein einem Chriſtlichen Concilio diſer nation/ eignet vnnd zūftadt.

Appellation
an keiferlich
Maieſtatt.

Sie Appellieren aber auch an die keiferlich Maieſtatt. jha aber mit was geding: ſo vil im ſein ampt zū gibt/ welches ampt/ ſie ſo limitiren vnnd ein ziehen/ das er allein erquieren ſol/ was bißher beſchloſſen iſt/ Von wem aber die? von Chriſto vnfern herren? Den alten Chriſtlichen Concilien/ Da hette die kirch Chriſti vnnd E. Churfürftlich Genaden/ gewonnen/ Sie meinen aber von yherem Bapft vnd deſelbigenn verpflichten Concilien. Sie wöllenn wie der Bapft/ das die keiferlich Maieſtatt ſolle des Bapfts arm ſein/ er wil das haupt ſein was er vrtheilt/ ſolle die keif Maieſtatt/ als ein nachrichter/ ſit venia dicto on einige eigen erkantnüs/ vnd vrtheil voltrecken/ Dann der wider Chriſt muß jha auch diße ſeine eigenſchafft beweifen/ Leſterung der Maieſtatt. 2. petri. Sie laſſen aber die ſachen kommenn/ für ein war Chriſtlich Concilium nach der ordnung des heiligen geifts/ vnd dem alten kirchenn recht/ von apoſtelen ſelbs vnnd allweg in den kirchen gehalten/ da ſy Chriſtlich gegirt worden ſeint/ wie diſe hiſtoria vberflüſſig zeugen/ jha für die Keiferlich Maieſtatt/ Churfürftē Fürſten vñ ſtend des reichs allein das ſie die ſachen auch ſelbs wie Conſtantine Theodoſius vnd andere gethon hörenn vnnd erkennen/ jha für ein yedes Chriſtlichs gericht/ das zū er

kennen in difen fachen/ vermōge der Cannonum Legum vnnd auch nattürlichs rechten/ kan oder mag tauwlich erkennet werden.

Aber diße leuth dennen der todt leidlicher ift dann Chriftliche Reformation mōgen kein wares recht noch gericht leiden/ wōllen allein fchreyen fcheltenn/ lefteren/ vnnd mit gewalt alle Chriftliche Reformation/ ab treiben/ vnd inn yerem Deformieren jimmer fürtfarenn/ niemand zů verantwort laffen kommenn/ allenthalbenn das liecht fliehen dann jere werck fint werck d⁹ finfternüß/ Das muß man dem lieben gott vñ gerechtē richter auch allen frommen waren

b2^r

Vorred.

waren Chriſten/ befehlen/ Vnnd der halben auch zu yerer beſten erkantniß bringen/ mitt der heiligen gefchriſt/ was auch von anfang in den kirchen Chriſti recht geweffen vnd noch iſt/ vnd von allen waren Chriſten getrewlich alle zeit gehalten worden iſt/ darzu die vermeldeten hiſtorien hochlich dienen/ Derhalben ich ſie auch deſt lieber jetzt wider in den trucket was vleiffig vberlehen/ geben/ vnd E. Churfirſt. Genad hab zu ſchreiben wollen/ die ob diſem ſo notwendigen vnd recht biſchöflichem werck Chriſtlicher Reformation/ alfo vil leides vnd in yerem ſo hohem alter alfo ernſtlich beweret wurt/ Darzu deren on menſchliche ontreu das meiſte thut/ die nach Gott was ſie ſint das meiſte eeil von E. Churfirſt. G. haben/ Dann herauß werden die Chriſten wol leſen/ vnnd erkennen/ wie felchlich vnd onchriſtlich diſe leut wider das heilfame werck des Herren/ Chriſtlicher Reformation darzu er E. Churfürſt. Genaden. ſo ſälliglich brauchet/ handelt tauben vnd wütten/ Weil aber ſo man ein verfallenen bau wil wider recht auffrichten/ nützlich iſt/ eigentlich wiſſenn nit allein des ſelbigen bauws erſte form vnd geſtalt/ auch wie er auffkommen vnd erbawen worden iſt/ Sond⁹ auch wie er in abgang kommen vnnd einfall/ vnd was ſein einfallen verurfachet vnd befördert habe. So hab ich an vormeldte hiſtorien angehenckt. xij. Bücher/ in welchen ich neben andern mercklichen wercken vn̄ gerichtin gottis/ am keiſerthumb vn̄ allerlei land der Chriſtenheit/ auch der kirchen beſchwerliche zuſell abgang/ vnnd einfallen auß allerley glaubwürdigen hiſtorien zu ſammen getragen vnnd beſchriben.

Von der zeit an als man zalt Vō der geburt Chriſti cccc biß auff diſe zeit M. D. xl. v. In welchen hiſtorienn ich zwo fürneme vrfachen befunden alles abgangs vnd zerfallenns des hauß gottis/ der Chriſtlichenn kirchen/ Die Eine der welt grewliche vndanckbarkeyt gegen den theuriſten genaden vnnd gaben gottis/ Dem heiligen Euangelio vnnd reich vnſers herren Jefu Chriſti das der welt Ondanckbarkeit nach ſo langwiriger graufamer veruolung die als vnſere Hiſtorien bezeugen gewöret hatt biß in die CCC jar.

Dann die Edicten wider die Chriſten nie biß auff Conſtantinum auffgehoben worden ſint/ wie ſie nun auch ſich nit wollen laſſen abthon/ biß ſie etwa der Türck abthue) Dann ein groffer theil allein mit dem mund angenommen vnd bekennet aber ſeine krafft/ doch ymmer zu vil erfchröcklich mit allerlei ſünden vnnd laſteren verleignet hatt/ Vnnd ob wol der Herr in dem auch vil herlicher waren kirchenn/ vnnd Chriſten in der welt gehapt/ die auch die wol verdiente rach gottis der vbrigen welt lang auffgehoben haben.

So iſt doch der groffer theil in allen ſtenden/ bald auch vnder den fürgefetzten/ der kirchen ein jeder auff ſeine weg abgetretten/ vnnd hatt nach ſeinen böſen liſten vnnd begirden vom Herren gehurret dauon in der Tripartitenn Hiſtorien ſchon vil gemeldet wure/ das vbrig habe ich in meinen xij. bücheren hinzū thon/ Da dan die welt herren vnnd volck/ Pfaffenn/ vnd layen/ die maß yerer gottloßheit erfüllet/ hatt Gott ſeinen zorn vber ſie gantz erfchrecklich außgoffen/ mit onerhörtem greuwlichen einfallen verderben/ erſtlich durch die Gothen demnach durch die Wenden/ dann durch die Longobarder vnd andere wilde Tyranniſche völker/ welches geweret hatt. Vom jar CCClxxx. biß auff das jar 720.

Diſe habē die kirchen (wie ſie dan den mörertheil entweder gar on Chriſten/ oder aber

Vnorumb Eufebius vnd diß Cronick dē Churfürſten zu Cöllen zu geſchriben.

Der Churfürſt leider von denen/ denen er gutes gethan.

xij. bücher dē Eufebio vnd der Tripartite angehenckt.

Zwo vrfachen alles verfallens des hauße gottis.

Edict wider die Chriſten.

mit böfen ketzereien behafftet geweßen/ jãm merlich verftõret/ das göttlich ftudierenn/ auß
geleſchet/ vnnd alle kirchen zucht verwũtet Daher die Religion Chriffti fo ellendig in vilen
landen verfallen/ das die leuth in ettlichenn landenn/ vnnd befonders bey vns Deutfchen
ſchier gar wider zũ heidenn worden ſint/ wie das in den Epiftelen zũ den zeitten Bonifacij
vnnd in meiner angehenckter Chronickbücher zũ ſehen ift.

Demnach ſint die Francken kommen/ die ſelbigen haben nach dem ſy vberhand genom
men/ vnnd gantz teutfchland mit gantz Galliã vnnd zũm theil auch Hiſpannien/ demnach
auch Italam mit dem keiferthumb erlangt/ die ander vrfach des jãmerlichen verderbens
bij den

Die ander
vrfach des
verderbens
der kirchen.

b2^v

Vorred.

der kirchē einbracht/ Das sie nemlich die Bischove von jrn kirchē geflossen/ in die hōffe vñ regir gefchefft gezogen/ dann den kirchen vnd also bischōflichen verwaltungen/ fil land vnd leuth zū gestellet/ Damit sint die Oberften sefborger mit der zeyt von jrem dienft des selbig von der leer vnnd zūcht Chrifti/ gentslich abgezogen/ weltlich vnnd üppig worden/ welches schon zū den zeitten Gregorij vmb die jar 600 angefangen/ wie er in vilen Epistelen an die kōnig in Franckenn vnnd andere klaget Da dan die haupter des Cleri verderbt/ hat es wol auch bei den anderen Clerickenn alles zū grund müffen gon/ Diß ist die ander fürnempfte vrfach des einfallens vnnd verderbens der kirchen gewessen.

Weg den kirchen widerū zū helffen. Der erste.

Solle nūn den kirchen widerumb geholfen/ vnd der bawe gottis widerumb auffgericht werden. so müffen warlich auch diße beide vrfachenn hingenommen werden/ Erftlich müffen wir alle vnser Oberen Priefter vnd alles volck wie wir leider alle zūmal vom herren schwerlich abgefallen/ vnnd jm den rucken gekōret/ vns wider zū ihm bekōren in war hertzlicher rew/ vnd tadlichem abtand von den sünden/ mitt ernstem betten vnnd flehen durch vnseren HERREN Jhesum Chriftum vnd gentslichstem ergeben vmb sein genad/ inn alle seine gehorfami vnder sein Gottfelig joch seins heiligen Euangelij. von gantzem hertzen an nemmen/ dem selbigen nach bei vns vnd vor allem in den kirchenn fachen/ Dann aber auch in allem anderen gemeinen vnnd besonderen thon/ anstellen vnnd reformieren so werden wir wider des Herren schefflin vnd volck vnnd er vnser hirt vnd gott sein/ Vnd wurt er der/ recht ertzhirt/ der auch allein die waren getruwe apofstel/ Propheten/ Euangelisten vnd lehrer zū geben hatt/ vns wider mit war getruwen vnd tōglichen hirtten vnd seelborger versehen vnnd durch die seine herd recht versamlet/ bewaren vnnd weiden vnnd an seinem hauß vnd heiligen tempel was verfallen ist/ wider auffrichtenn/ was zerbrochenn wider ergentzen/ was verwūtet wider zū ehrnbringen vnd zieren.

Der ander weg.

An dem hanget aber das ander/ das wie E. Churfürftlich Genad weißlich vnd nottwendiglich pflegen zū sagenn/ Das das Geiftlich von weltlichen werde gescheiden/ Regierenn recht vnd verwalten die kirchen/ land vnnd leuth vnd güeter/ die einmal darzū kommen/ vnd die diß amt freilich mehr dan von Gott/ der allein alle herfchafften vnd gewalt endert vnd verordnet empfangen haben/ Man sehe aber darneben das den kirchen auch yere/ vnd solche diener verordnet werden/ die den geiftlichen allein vnd gāntzlich ob ligenn/ Die die seelborg mit hōchstem trewen vñ rechtem eyffer verfehē/ and⁹ft mage den kirchē nit geholffen werdē.

Rom. x.

Diß ist die ordnung des Herren/ die wurt er vmb vnser willen nit änd⁹ren. Also hat er seine kirch erftlich gesamlet/ erbawen/ erbreitet/ vnd wann sie ettwas verfallen gewessen widerbracht vnd reformiert/ wie es dann vnser kirchen hiftorien gantz eigentlichen anzeigenn vnd darthon/ Das wort des herren muß jha fton bleiben/ wie können sie dann anruffen/ an den sie nit glauben? Wie können sie an den glauben von dem sie nie gehōrt haben/ wie können sy aber hören on einen prediger? wie können sie dan predigen/ wo sie nit gefandt werden Die aber der Herr sendet vnd zū difem fāligen dienft verordnet vnd die im in difem ritterfwaft vnd inn difem kempff getrōwlich wōllen dienen. 2. Thimoth. 2. die müffen sich warlich in keine gefchefft der zeitlichen narung/ schlagen wie der Apofstel sagt/ fonder müffen yn

j. Cor. iiij.
 Johan. xvj.

nen das allein laffen angelegen sein vnd forgen wie sie getrewe diener des HERREN
 erfunden werden/ vnnd jm wolgefallen/ das sie hingangen/ vnd vil frucht bringen vnd yere
 frucht bleibe/ damit der vatter im himmel geprylen vnd geherlicht gemacht werde.

Nun vnser ertzhirt vnd bifchoue vnser seelen Christus/ der wolle vns allen geben seinen
 vnd vnserem Gott vnd vatter im himel/ dem Herrn der ernden/ getreulich on alles nachlaf
 fen bitten vnd anruffen/ das er vil solche diener inn seine ernd wolle aus senden/ Der wolle
 auch seine herd erretten von den falschen herten/ die sich selbs nit die herd weiden/ die das fett
 metzen/ vnnd das fleisch effen/ sich mit der woll bekleiden/ das verloren nicht fuchen/ das yr-
 tig nicht widerbringenn/ das zerbrochenn vnnd schwach verderbenn laffenn/ Er wolle wie
 er tteuwlich

b3^r

Vorred.

er treuwlich verheiffen difer tyranney vber feine ſchaff bald ein end machen.

Er wölle vnfern heuptern ein folchen fynn vnnd gmüt geben/ wie er Euwer Churfürftlich Gnad verluhen/ das ſie ein mall recht zû hertzen füren/ das Chriftus vnfer HERR allein/ allen gwalt hatt im hymmel vnd erden vnd das ſein joch komlich vnd gût/ vnd ſeine laft nit ſchwer ift. Das mann ſich von Chriftlicher Reformation nichts dann aller gnaden vnnd ſegen Gottes gwißlich zûgetröften hat/ inn 3eytlichem vnnd Geyftlichem nit einiges onraths zû befaren. Damit ſie ſich keine lyft noch trotzen des Widerchrifts jrren laffen/ vnnd ſich ein mahl von gantzem hertzen keren zû jhm vnferm einigen Herren Gott vnnd Heyland ſtan den mit recht Fürftlicher beftendigkeyt weil 3eyt auff die wege/ wie der HERR durch ſei nen Propheten ermanet/ ſehen vnd fragen ſelbs nach den alten wegen/ vnnd welches der gû te wege feye/ Das ſie inn dem ſelbigen ſelbs wandlen teglich/ vnnd die jhren/ das volck Got ces jnen vertrauwet/ Das auch Gott von jren henden erfordern würt/ darauff mit allen treü wen füren/ damit ſie auch jren ſeelen vnd den jren nütze.

Wir haben den HERREN alle zû lang getrutzet/ deren ſeind vil zû vil bey vnns Teudtfchen/ die jhm entbotten haben/ wir wollenn nicht das er vber vnns Regiere. Nun ſagt der fromme weiße Kônig vnd Prophet Daud/ da bey würt es auch bleyben. Nun ihr Kônig handeln klüglich/ laßt euch weißen jhr Richter der erden/ Dienet dem HER REN in forcht/ vnd frolocket jhm mit zittern/ küffet den Sûn/das ift/ huldet jhm/ erkennet in für euern Kônig vnd Herren/ damit er nit zürne/ vnnd jhr von wegen verderben/ ſo ſein zorn als bald anbrennet/ wol denen die auff jn vertrauwen.

Der wölle auch Euwer Churfürftliche Gnad inn ſeinem werck gnediglich ſtercken/ den Satan jr zû fûffen legen. Wer ſein ift in jrem Clero vad volck zû Cölln/ vnnd im gantzem Stifft/ auß aller yrthumb vnnd ſchwachheyte des fleyſchs füren/ vnnd alfo ſtercken/ das ſie zû Euwerer Churfürftlichen Gnaden jhrem getreuen Vatter vnnd Hyrten getröft treten/ vnd jr das angefangen ſo heylſam notwentig werck Chriftlicher Reformation helf fen außfüren.

Es ift ondas vor langem der Cölniſche genannte Clerus vil zû vil vor andern beſchreyet des onwiffens/ des fleyſchlichen onzüchtigen lebens/ der vilfaltigen vnnd ganntz greuw lichen Götzen dienſten/ der feindtſchafft vnnd widerftandt gegen allem rechten willen vnd thûn.

Vor vier hundert Jaren hat Hildegardis ein klofter Junckfrauwerd deren Sanct Bernhard/ des Prophetiſchen Geyfts zeugniß gibt vnder anderm zû difem Clero zû Cölln alfo geſchryben/ Von der zû künfftigen trübfalen der Kirchen. Clerici Colonienſes volunt gloriam et honorem habere ſine merito/ et meritum ſine opere. Das ift/ Die Clericey zû Cölln wölln Glory vnnd Ehr haben/ on verdienft/ vnnd den verdienft on das werck 7c.

Der liebe Gott wölle geben/ das vnder difem Clero nun mehr vil entftanden/ die diß bö ſe lob inn ein güttes verändern/ das wie Euwer Churfürftliche Gnad gegeben vnder den Biſchöffen der erſte zû ſein/ das ſie auch alfo die erſt Clericey feyen/ die das Widerchri

Frumme im
Stifft Cölln

Hildegardis
lebet zur
zeit Friderici
des j. M. C.
lxxx.

ftich verderben verlaffen/ vnnd nun meh recht widerumb anhelffen Predigen/ vnnd zů
fordern inn allem nach allen gaben vnnd vermögen fo jhnen der HERRE verluhen das
felige Reyck vnfers HERREN JESV CHRJSTJ/ Ehe dann der zů vil lang
vnnd wol verdiente zorn Gottes wider sie anbrenne/ vnd Pfaff vnnd Volck auffreffte/ wie
der warhafftig Gott fo ernftlich inn feinen Propheten treuwet/ vnnd wie es mit allen den
Landen/ funder auch fo vilen herrlichen Kirchen vnnd Völkern gangen ift/ durch die Got-
then/ Wenden/ Hunnen/ Sarracener/ Türcken/ vnnd andere folche greüliche Völcker wie
mann das hie zů lefen hat inn vnfer Hyftoria/ vnnd wie wir auch das erfchrecklich Exempel
b ij difer

b3^v

Vorred.

difer zeit in Vngeren/ da auch vil reicher mächtiger ftoltzer Prelaten vnd Clerick gewefen fint.

Er der Barmhertzig güttig gott/ der nit will den tod des fünders/ fonder das er fich bekör vnnd lebe/ wöll vns allen Genediglich verleihenn/ das wir die zeit vnferer heimfuchung bei zeiten erkennen/ vnd die angebotten genad als bald annemmen/ vnd nit vergeblich/ damit wir feinen iha komenden zorn entpflihen/ vnd fein volck fein/ vnd pleiben/ yn preyffen vnd groß machen mögen. Da zu wölle er E. Curf. G. lang friftenn vnnd fein werck in yren henden fchleinig machen Amen Straßburg.

x. tag Martij M. D. XLV.

E. Churfirft. G.

Alzeit vnderthäniger Caſper
Hedion/ Doctor im Münfter
zu Straßburg

Zum Lefer Caſpar Hedion

Wes ich vff dißmal in meinen xiji Bücheren/ an die Tipartiert Hiftoria gehenckt hab. Das ift in groffer eil ongerd in frift fex monat/ zufamen getragen/ auß fo gütē bücheren/ als ich die hab bekummen mögen. Des welleft du dich zur befferung gebrauchen. Auch nimmer mehr in vergeß ftellen/ das einem yeden Biderman nach feiner maß/ Gottes ehr Chriftlicher gemeinner nutz ware Reformation der kirchen/ Des Vatterlands wolffart ye lenger ye vefter fol angelegen fein.

Vnnd wo du ye nie willens biß ferret zu lefen/ fo belihe doch fleiffig den Inhalt yedes Büchs von den zwölffen/ im dritten vnnd letften theil/ fo wirftu mit gewißlich danck fagen.

Die genad vnfers einigen Heilands

Jheſu Chrifti ſei mit dir.

AMEN.

K1^v

Dem Erneueten vnd Edlen herrn Diete-
tichen Kômmerer von Würms/ ghandt von Dal-
berg/ meinem gebietenden funders
günfftigen herrn.
Caſpar Hedio.

Gottes gnad vnd
frid durch Chriftum Je-
ſum. Nach dem ich inn
Deütſch bracht hab die xj.
Bücher der alten Chriftlichen kirchen/ die ge-
nant werden Hyſtoria Eccleſiaſtica Eufebij/
Jnn willens nutz zû ſchaffen den einfältigen
Chriſten/ ſo auß vnerfarung ſchwerlich an-
lauffen/ hab ich fürther verdeütſcht die Hyſto-
rij Eccleſiaſtica Tripartita gnant/ von Theo-
doreto Socrate vnd Sozomeno/ ſo erſtlich in
Griechiſch/ darnach im Latein beſchriben iſt.
Damit der Chriftlich leſer hette in der erſten
zû leſen vnd erwegen/ was ſich verloffen hab
nach der vffart vnſers HERRN Jeſu/ da Gott
die ſeinen bekleidet hat mit krafft von oben
herab/ das ſie zeügen weren des Euangelij
vom reych Gots in aller welt. Wie die Chrift-
lich kirch worden/ vnd wie ſie in trübfal vnnd
verfolgung gwachſen iſt. Darnach in der an-
dern. Was vnder den Rômischen keyſern/ de-
ren etlich dem auffgonden Euangelio fürder-
lich/ etlich zû wider gwefen/ fûrgangen ſey.
Auch was bey den Perſern vñ Barbarn ſich
verloffen hab. Vñ wie die fruhen liebē Chri-
ſtē vberal in groffer verfolgūg Bekenner bly-
ben ſind/ vnd die Kōnigreich durch jren glau-
ben vberwunden haben. Dann ob ſchon Sa-
pores der Perſer Kōnig/ daruon im dritten
büch diſer Hyſtorij ſteht/ der in kurtzer zeyt bey
xvj. taufent Chriſten vmbracht/ vnnd andere
mehr grōblich gwüttet/ vnd gantze ſtett erōßt
haben/ noch danacht iſt Chriſtus der welt ob-
gelegen/ die warheyt der lügen/ in ſeinen auß-
erwelten ſo mit jrem blūt/ die warheyt Gottes
bezeüget. Alſo das in jrem tod der alweg grōf-
ſer gwefen/ der die ſeinen beſchirmpt/ vnd im
tod zum leben erhaltet/ dann der ſie verfolgt
vnnd gar vmbzûbringen vnderſtanden hat.
Dann jr leben was vnd bleibt mit Chriſto in
Gott verborgen/ das kein zeytlicher gwalt da-

felbs verletzen kan. Jnn welchem vnſer krafft
vnd ſieg wider die welt beſteht.
Mich hat auch zû diſer arbeyt verurfacht/
damit ich meins kleinen vermögens/ zû nutz
dem einfeltigen leſer bekant machte/ was ſich
in den alten kirchen vnd fürnemlich in Con-
cilien zûtragen hat. Dar von dann diſes büch
eben vil ſagt. Es ſind warlich danzumal grōf-
ſe vnd mangerley ſpaltung vnnd Opinionen
gwefen/ wie auch diſer zeyt/ vnd yede pare hat
ſich beſliſſen/ die Fürſten vnd Keyſer auff jr
leyt zû bringen/ da mit ſie deſt ſtörcker vnd vn-
widertryblicher weren. Wie das zum Reych
Chriſti gedienet hab/ werden jr wol bedencken
ſo jhr bedencken das vnſer Euangelium/ die
krafft Gottes/ verſtändtniß ſeins willens/ vñ
tryb des heyligen geyfts/ den die welt nie weiß
aber vaſt gern vnderſtat zû richten. Nit ſag
ich das darumb yedem ſolte ſein freuel gefat-
tet werden. Dan Chriftlich lieb tregt ſorg für
die einfeltig gmein Gottes/ funder ich begert/
das man vnſerm HERREN Chriſto Jeſu im
heyligen geyt ſein ampt ließ vnuerhindert bli-
ben. Wie dan vnzeytiger fleiß mehr ſchaden
weder nutz bringet. Vorab/ ſo yemandt vber
ſein gmeſſenen beuelch ſich anmaſſet zu thûn
vnd zû vrteylen/ das auch ſein vermögen vnd
verſtand vbertrüffet. Es werden auch tringli-
che vrfachen in diſem Büch angezeigt/ der Jn-
reiffenden jrrthumb. In dem allenthalben ge-
ſehen würt/ das vil groffer fleiß iſt von leeren
vnd beſchluß reden zû handeln/ wann der leer
zû geleben/ vnd zû preyßen das kreütz Chriſti
in gwarſamer einfalt. Darzû der ketzer mü-
wil vnd freuel gefüret hat/ vnd die lieben vāt-
ter haben etwan menſchlich gegenwehr ge-
thon/ vnnd ſich zû weit in zanck eingelaffen/
das zû vmbtürtzung der warheyt vnd verwir-
rung viler gmüter gereicht hat. Alſo das der
Biſchoff zancken in gmeinen hauffen kûmen
vnd zû letſt mit jn verwicklet hat die frumen

ORDA16 D1850

Widmungsvorrede: a2^r–b3^v; Vorrede: K1^v–K2^v;
Vorrede: Ss1^r–Ss1^v

Keyfer/

K2^r

Vorred.

keyfer/ die getreulich gehandelt/ vnd oft mehr fleiß ankert den glauben zů befriden/ weder das sie die geystliche händel verstanden haben Deßhalben jr ernft vns ein exempel/ aber jres fürnemens vnglücklicher außgang/ allen güt hertzigen ein warnung/ vnd vns allen ein vermanung sein mag/ das wir deß baß vff Concordi vnd einigkeyt gegen einander handeln/ ye einer zur befferung dem andern weiche/ yederman der warheye statt gebe/ vnd ernstlich dahin alle sachen richte/ das Christus allein groß werde/ es beschehe ja durch vnfern tod oder leben/ durch vnser preiß oder schmach böß oder güt gerüchte/ wie sich dann denen gezim men wil/ die nit gefehen werden sollen vergeblich die gnad Gottes empfangen haben. Dan von Christlichen handeln außerthalb Christo/ vnnd nach menschlicher vernunft reden/ gebüret wol ein schein der gottselikeyt/ aber die warheyt mag es nimmer erreichen. Jha vil mehr so verwüftets/ der gelaßnen hertzen vn schuld vnd reynikeyt/ darin Gott allein gefehen würt. Jft also mein bitte an euch/ Das jr euch in solichen Hyftorien bekümmern vnnd jr annemmen wöllen/ darauß zů erkundigen/ wie vnd was weg zů vnfern zeyten/ einigkeyt vnder den güthertzigigen erhalten werden möge Sytemal jr sußt zwitracht/ auch auff eüwern kosten hinzulegen zwischen menglich beflissen syn/ vnnd ab diser zeyt spaltung hoch beschwert tragen/ als der die göttlichen händel selbs richten kan/ darein der Satan sein kommen/ das ist eyfer vnnd zanck gemyſchet hat/ wie alweg/ sytemal wir die meyfterſchafft/ so Christum allein angehört/ vns gern zůschreiben/ welches den alten nit kleine vnruß bracht hat. Wöllen also euch/ wie bißher göttlich ehr angelegen/ vnd mich euch befolhen sein lassen. Hie mit Gott dem almechtigen befolhen/ der vns alle durch Christum Jefum im heyligen geyst/ seins willens vnderwyſen/ vnd dem zů gleben verleyhen wölle/ Amen.

Geben Straßburg

M. D. xxix.

Jar.

c

Calliodori des Ratsherrn/
Gottes knecht/ inn die Chronica der Alten Christlichen kirchen/ Hyftoria Ecclesiastica Tripartita gnant/ auß den dreyen Griechischen geschiecht schreybern/ Sozomeno/ Socrate vnnd Theodoretto/ durch Epiphanium Scholasticum ins Latin/ vnd durch Calliodorum außzogen/ vnd auffskürtzest zůfamen gefetzt.
Mit großem nutz pflegt man im eingang der Bücher die vorreden zů lesen/ damit die gestalt vnnd das mufter des zůkünftigen wercks gefehen werde. Dan was ist füglicher/ lieber Leser/ dan eben in der vorred zů lernen/ das auch kein vergebens wörtlin in fürgelegtem büch dir mög zůkommen? Darum dann diese Hyftorj Ecclesiastic/ die notwendig allen Christen erwysen wurt/ von den dreyen Griechischen geschiecht schreybern wunderbarlich zůfamen gefetzt worden ist. Der ein Theodoretus gnant/ ein ehrwürdiger Bischoff gewesen ist. Die andern zween vast berette vnd gelehrte menner/ Sozomenus vnd Socrates/ welche nach dem sie Epiphanius Scholasticus ins Latin abgefetzt hat/ wir für notwendig geacht haben/ alle jre zierliche spruch zůfamen in ein Büch vnd form zůsetzen/ durch hilff des HERRN/ vnd von den dreyen Authorn vnd geschicht schreybern/ ein diction red vnd büch zů machen. Es ist aber wol zů wissen/ das die vor genannten schreyber/ von den zeyten hochlöblicher gedechtniß des keyfers Constantim/ biß zur zeyt der thüren gedechtniß Theodolij des jungers/ was sich verlossen hat/ geschryben haben. Wir aber haben jre werck vnd bücher also gelassen/ das wir eins yeglichen schreyben/ mit gwarfamem gmüt gelesen vnd befunden das sie nit gleich hell vnd subteil alleſampt ein yeden handel vnd sach erkleren vnd außbutzen lunder dan diser/ yetzund ein anderer bringt die geschicht hell an tag. Vnd darumb haben wir geacht/ das wir mit nutz möchten von eim

ORDA16 D1850

Widmungsvorrede: a2^r–b3^v; Vorrede: K1^v–K2^v;
Vorrede: Ss1^r–Ss1^v

K ij yeden

K2^v

Chronica der alten Chriftlichen kirchen

yeden difer ſchreyber die fürnempften ſprüche
zůſamen ſamlen/ vnd mit dem nammen des
ſchreybers in ordnung ſetzen. Darumb der
durch hilff des HERRN hieher kumpt/ diſe bü-
cher zů leſen/ der leſe onerſchrocken/ dann er
groffen nutz vnd erkantniß da erobern mag/
ſo er fleißig inn ſein gedechtniß mit forgfelti-
gem gmüt zůſamen tregt/ vnd einfamlet die
ding/ ſo in diſen zwölff büchern begeiffē ſind.
Weiter/ das auch die vnordnung nieman vn-
rüg brechte/ ſo wölle man wiſſen/ das durch dē
gantzen text diſes wercks die Titel gefetzt ſind/
damit man by yedem ort erfordern mög/
was man erkennet durch beque-
me zal vorhin an-
zeigt ſein.
Zeiger der Capitel
des Erften Büchs.
Hyſtoria Eccleſiaſtica Triparti-
ta gnant.
DJe vorred vnd d3
anſprechen Sozomeni an
den keyſer Theodoſium/ D3
erft Capitel.
Waruñ die Heyden leich-
ter dan die Juden den glauben Chrifti haben
angnommen/ das ij. capitel.
Von gmeinem inhalt nochgondes ſchrey-
bens/ vnd wie in der ſpaltung ein yedes theyl
ſich vnderftanden die Fürften zů ſich zů zie-
hen/ das iij. capitel.
Von den Biſchoffen der fürnempften ort/
vnd wie Conſtantinus vnd Licinius die Chri-
ſten verfolgt haben/ das iiij. capitel.
Vom todt Maxentij vnnd Diocletiani/
das v. capitel.
Wie Conſtantius der Chriſten ſtanthaf-
tigkeyt erkundigt hat/ das vj. capitel.
Wie der keyſer Licinius wider die Chriſtē
gwefen ſey/ das vij. capitel.

Wie ſich Conſtantinus der Chriſten ſo ge-
treulich hat angenommen/ das viij. capitel.
Von den Bekennern der kirchen/ vnd von
Chriſtlicher freyhey/ das ix. capitel.
Von Spiridione dem Biſchoff der die ge-
bundenen dieb hat auffgelößt das x. capitel.
Von dem alten Münchſchen leben/ vnnd
was ſie verurfacht Münch zů werden/ das xj.
capitel.
Wie Satan zerrüttung vnb ſpaltung ins
der kirchen hat angericht/ durch Atrium/ das
xij. capitel.
Wie Alexander zů Alexandria andern Bi-
ſchoffen gefchryben/ vn̄ ſie von der yrrthumb
Arrij verwarnet hat/ das xiiij. capitel.
Der brief den Alexander zů Alexandria
dem Alexandro zů Conſtantinopel gefchryben
hat das xiiij. capitel.
Der brief Arrij an ben Eufebium das xv.
capitel.
Der brief Eufebij an Paulinum Bi-
ſchoff zů Tyro das xvj. capitel.
Von dem gwalt Eufebij Nicomedienſis/
das xvij. capitel.
Von zwitracht der Biſchoffen vnnd des
volcks/ vnd wie ſie vff beden feiten haben wöl-
len ſieg haben/ Die Melitianer thünd ſich zů
den Arrianern/ vnnd würdt durch beder pars
brief/ die ſach nummen deſter erger/ das xviiij/
capitel.
Von der verſamlung des Arrianer zů Bi-
thynia/ vnd wie Conſtantinus Arrium vnd
Alexandrum geftrafft hat/ das xix. capitel.
Der brief des keyſers Conſtantini zů Ale-
xandro vnd Arrio/ das xx. capitel.
Die ſpaltung ob dem Ofertag/ darumb
dann Ofius in botſchafft weiß in Aegypten
geſchickt würt/ das xxj. capitel.
Chronica

Ss1^r

ccxlj

Hyftoria Ecclefiastica/ Das Dritt-
theyl/ Sampt andern trefflichen Gefchichten/ die zů-
uor im Teüdtfchen wenig gelesen feind/ Von der
zeyt an/ da die Hyftoria Ecclefiastica Tri-
partita auff höret/ das ift von der
Jarzal an CCCC. nach
Chrifti geburt biß
auff das Jar
M. D. XLV.

Vorred Caſpar Hedionis D.

DEmnach hochgelerte Männer Theodoretus/
Socrates vnd Sozomenus/ jre Hyftorj/ Ecclefiastica Tripartita gndt/
in ein Büch zůfamen getragen/ vnd durch anſchickung Caffiodori des Rō-
miſchen Ratsherren durch Scholaſticum auß dem Griechiſchen ins Latein
bracht/ vnd von jnen dreyen diſen nañen vberkommen/ von dem Burgermeiſterthumb Cri-
ſpi vnd Conſtantini der Keyſer/ biß auff das xvij. jar Keyſers Theodoſij ordenlich gefürt
haben/ vnd dem güthertzigem leſer anzeygt wes der Chriſtlichen kirchen vnder Conſtantino
zůgftanden. Hernach was vnder ſeinen lönen Conſtante/ Conſtantio vnd Conſtantins/ fer-
rer was vnder Jouiniano/ Valente vnnd Valentiniano. Jtem was nachmals vnder Gra-
tiano vnd Valentiniano den gebrüdern/ vntz auff die zeyt des jüngern Theodoſij/ da dan Ar-
cadius ſein vatter mit Honorio das Rōmiſch Keyſerthumb regiert haben/ begegnet zůge-
ftanden vnd widerfaren ſey. Vnd Sozomenus in dem nit allein was im Rōmiſchen Reich
beſchehen/ funder auch was bey den Perfern vnd Barbarn die Chriſtlich Religion belangē/
fürgangē gmeldet. Wil hinfürt nutz vñ notwendig ſein/ wes vnd⁹ dē nachgondē keyfern Ar-
cadio/ Honorio/ Theodoſio/ Conſtantio/ Valentiniano biß auff Carolum Magnum vnnd
volgends biß auff den Großmechtigſten Carolum den fünften denckwürdigſ in kirchen vnd
andern wichtigen hendlen fürgangen ift/ vnnd inn bewerten Hyftorien gefunden würt/ inn
Deudtſcher ſprach vor nit gelesen/ oder zům teil noch in friſcher gedechtniß der menſchen ift/
auch ordenlich nacheinander in folgende Bücher vnd Capitel zůſetzen vnnd ab zůteylen alles
ongeuer vnnd mit Chriſtlicher beſcheidenheit dem liebhaber der kirchen Hyftorien vnnd Ge-
ſchicht/ auch anderer denckwürdigſen Hyftorien gyrigen damit zů dienen/ zů keinem argen/
funder allem güttem.

Damit aber der frum einfältig leſer alle ding deſt ordenlicher vernemme/ vnd in den nechſt
nachfolgenden der Keyſer nammen ſich deſt weniger habe zů jrren oder auffzůhalten/ ift di-
ſer kurtzer bericht. Das Theodoſius der jünger auß Hyſpania geboren ein erfarner glückſeli-
ger kriegßman gwefen ift/ hat erftlich mit Gratiano vnd Valentiniano den brüdern regiert.
Nachmals allein mit Valentiniano. Demnach auch (wie man in der Oration Symmachi

Theodoſius
der jünger.

hat) mit Valentiniano vnnnd dem fún Arcadio regiert. Der hat die Gother bezwungen mit
Heersmacht/ Maximum den tyrannen zu Aquileia vnders joch bracht/ Valentinianum

Ss wider

Ss1^v

Vorred Caspar Hedionis D.

wiber einge setzt/ die tyrannen Arbogastum vnd Eugenium bezwungen mit wunderbarlichem sieg/ den er mehr von Got mit thraern dan mit waffen erlangt. In ein wunder groffe Disciplin des Religion vnderm Bischoff Ambrosio/ wie droben erzelt/ sich begeben/ vnd im sey den vertheiden ist.

Arcadius.
Honorius.

So sind Archadius vnd Honorius söne Theobosij gewesen/ deren erstem er das keyserthum in Morgenländern/ dem andern in Abentländern zugefelt hat/ vnd jr yedem Graffen/ Fürmünder vnd Pfleger geben. Dan Ruffinus Graffe in Orient war. Stilico Graffe in Occident. Bonifacius von geburt ein Thrar ein Graff Valentiniani/ Bischoff zu Hypone/ der für die Römischen Keyser in Aphrica regieret. Welcher den groffen leeren Augustinum vber die massen lieb hat/ vnd seine feind vnd tyrannen/ Johannem Caetinum vnd andere/ durchs gebett der frummen Priester vberwunden hat/ wie in der Epistlen Augustini cxliij. gelesen würt/ dz Augustinus zu Bonifacio schreit. Du beklagst dich einer groffen schlacht/ lieber zweifel nit/ Ich gib dir vnd den deinen ein getreuen rat. Nim die gwör in die hend/ vnd laß das gebett zu den ohren Gottes dringen/ dan wenn man ein schlacht thut/ so hae gott seine augen offen/ sihet zu/ vnnd dem teil das recht hat/ gibt er den sieg. Ruffinus hat erftlich als ein treuwlofer man straff empfangen/ darumb dz er auff eignem nutz alles anfirret. Arcadius aber hat in Orient hinfürt regiert/ vnd so glücklich/ das der gemein nutz jm wol vertrauet/ vnd kein schaden darvon empfangen hat der ist nach xiiij. jarn zu Constantinopel im fri

Stilico.

Honorius Theodosij sun regiert in Occident/ vnd war Graf Stilico ein (den geforben. redlicher man sein pfleger/ durch des anfschickung alle ding glücklich naher giengen/ dan CC. laufent Gothe vnderm könig Radagoifo hat er im gebirg Italie/ so vil als on arbeit gefchlagen vnd gefangen. Als aber Honorius den treflichen man Stiliconem (der von seinen feindē jm felchlich angeben war/ als ob er verräterey trybe) töden lieffe/ hat sich das glück gewendet/ vnd sind die Gothi in Italam eingfallen/ haben die statt Rom/ wie wir hernach sagen wölen/ eingenommen/ vnd hat der Keyser Gallier vnd Hyspanier land verloren.

Theodosius
der jünger.

Theodosius der jünger Arcadij sun/ ein enckel des erften Theodosij/ hat das Keyfelthumb in Morgenländern. Zu difes zeyt ist Carthago verlorn worden/ sampt gantzem land Aphrica welches die Wandali oder Wenden erobert/ durch Gallier vnd Hyspanier land zogen/ vnnd als sie biß an das Gaditaner meer kumen sind vō vorgnantem graf Bonifacio aufbracht/ vnd ist die regierung c. vnd v. jar in jren henden blyben. Constantius aber/ nach dem Stilicone/ ist des keyfers Honorij Comes graf oder Pfleger worden/ vnd als er Ritterlich handelt beim keyferthumb/ hat jn Honorius erhöhet vnd neben jm zum keyser gmacht/ auch jm zum weyb geben sein Schwester Placidiam/ welche die Gothi jm entfuret/ vnd jrem könig vermählet hatten/ vnd so bald er geforben/ dem brüder gantz ehrlich widerumb heim gefant. Von den

Constanti⁹.

ten er ein sun Valeneianum den dritten vberkummē/ zu welches zeyt graufame krieg sich erhaben/ die Nationen vnnd Völcker durcheinander geloffen/ vnnd auff der Römer seit hat Aetius wider Attilam der Huner könig krieget. Vnd ist difer Valentinianus der letft Keyser in Abentländer gewesen/ biß auff Carolum Magnum. Es sind wol andere gewesen die in Italia das Purpur vnd Königlich kleid anlegten/ aber jr keinem ifts glücklich ergangen/ de-

Empörung
der Nationē
wider einan
der
Aetius der

Römer.
Attila der
Huner
Kirchen
händel.

rumb sie im Register der Keyfer nit erzölet werden/ als die so zwen oder nur drey monat keyfer gwefen find. Was nun für kirchen händel vnder denen fürgangen find/ das wöllen wir nacheinander erzölen/ Vnd so andere treflichen Hystorien mit einlauffen/ die on jren mercklichen nutz nit find/ wölle sich der Chriftliche Leser folicher zur befferung wol gebrauchen.

Inhalt

Ss2^r

xcclij.

A	<p>Inhalt der Capitel des Erften Büchs Hyltorie Ecclefiastice/ Das Dritte Theyl.</p> <p>VON den Goththern/ jrem Kōnig Ha^{larico}/ jhrem Hertzogen Radagafo/ vñ wie fy Jtaliam verwūlten/ darüber S. Hieronymus klagt/ Das Erft Capitel.</p> <p>Wie durchs gebett heyliger mānner fünf taufent ſchlagen lxxx. taufent das ij. capitel.</p> <p>Wie Rhom von Gothern erobert. Von groffem hunger das die mütter jre kinder eſſen/ vnd warumb Hieronymus vnd Auguſtinus difer zeit gedencken/ das iij. capitel.</p> <p>Leſterung der Paganen vnnd Heyden Rom ſey vmb der Chriſten willen von Gothchern erobert. Jtem/ Antwore Auguſtini wider der Heyden leſterung. Vnd ein ſchimpfflicher boß Honorij von Roma der Hennen das iiij. capitel.</p>	C
B	<p>Von Büchern Auguſtini Retractationum/ vnd der ſtatt Gottes/ das v. capitel.</p> <p>Krieg/ verhörung/ hungers ſterben/ vnuergraben ligen/ gewonliche ding ſind des kriegs/ was gnädig abgeht/ iſt dem gwalt des nammens Chriſti zū zuſchreiben/ das vj. cap.</p> <p>Was für jamer für gang ſo ein ſtatt mit gwalt erobere würt/ das vij. capitel.</p> <p>Von Paulino Biſchoff zū Nola/ vnnd von den Chriſten die vmb golts oder ſylber willen leyden/ das viij. capitel.</p> <p>Vom Hunger der Chriſten/ vnd das kein tod böß zū ſchetzen dem ein gūt leben vorgeht/ das ix. capitel.</p> <p>Von gefengniß der Chriſten vnnd wie Gott ſeine gleubigen nicht verlaſſet/ das x. capitel.</p> <p>Das Chriſten vndern Heyden vil leyden/ vnnd das der Chriſten Gott vberall zūgegen iſt/ das xj. capitel.</p> <p>Von der Heyden ſag das der Chriſten glaub ſolt nur ccc vnd lxxv jar weren/ vnd wie die verehrung des nammens Chriſti hat zū</p>	D
	<p>Von eilff verfolgungen ber Chriſten/ vn der Nerone Domitiano 7c. vnnd ob jr mehr fein werden/ das xiiij. capitel.</p> <p>Von Caſtino dem Arrianifchen/ feiner practick wider Graff Bonifacium/ vnd das Gott nit zū laßt das der Cathelicus vom Heretico vndertruckt würt. vnd von briefen Auguſtini an Bonifacium das xiiij. capitel.</p> <p>Von Gelerten treflichen mānnern/ die die kirch difer zeyt gehept hat/ das xv. capitel.</p> <p>S. Hieronymi leben auß feinen eignen büchern abkürtzet von der Münch vnd Nonnen ſtadt zū difer zeyt/ vnd das er ein Prieſter kein Cardinal/ das xvj. capitel.</p> <p>Wie Albanus zū Mentz gemartert/ das xvij. capitel.</p> <p>Von Caroco dem Vuandaler kōnig vnd bem verzweifleten radt feiner mütter/ Auch wie er Mentz/ Wormbs/ Speyr/ Trier/ Metz verherget hat/ vnnd zū letft jämlich vmb^{kommen}/das xvij. capitel.</p> <p>Von Theobofio dem Jüngern/ Von Valentiniano/ Vom gwalt Graffen Bonifacij in Africa/ vnd wie die Vuandaler vnd Alaner mit irem kōnig Genferico auß Hylpania in Africam beruffen ſind/ das xix. capitel.</p> <p>Aurelij Auguſtini leben auß den Büchern Retractationum/ Confellionum vnd Paſſionum abkürtzet das xx. capitel.</p> <p>Von ſtandthafftikeit Chriſtlicher Biſchö^{ff}/ Genferici verfolgung/ vnd wie Carthago von den Vuandalern erobert/ das xxj. capitel.</p> <p>Vom erbydem zū Rom/ vnd wie die Angliſaxones in Britaniam geniffet von Theodofij todt/ vnnd dem erbydem zū Conſtanti^{nopel}/ Vom gfang Agios Otheos/ das xxij. capitel.</p>	
	Ss ij Das	

ORDA16 D1850

Widmungsvorrede: a2^r–b3^v; Vorrede: K1^v–K2^v;
Vorrede: Ss1^r–Ss1^v

gnummen/ das xij. capitel.